

RAWNGBÂWLNA CHANCHIN

First Quarter 2012

Northern Asia-Pacific Division

A chhông Thû		Phêk
Mongolia		
1. Mission Kum 100 Tlin Lâwmna		8
2. Tlânbo	‡	12
3. Pathian Hún Ruatah	‡	16
4. Binderya Mittui	‡	20
Japan		
5. Naupang †ha Leh		23
6. †han Puitlinna Tûr Hmún		27
7. Chhandamtu Zawngin	‡	31
China		
8. Pathian Kutte	‡	35
9. Beiseina Pathian Tawngin	‡	38
10. Ngàihdamna Thiltihtheihzia		41
Korea		
11. Kawngte Hawng Rawh		46
12. Zâlênna Kawng Zâwhin	‡	50
13. Thirteenth Sabbath Program		54

‡= †halaite tuipei deuh tûr thûte

Sabbath Sikul Hruaitu Duhtak,

Tûn Kwartar hi Rawngbâwlna Chanchin (mission quaerterlies) leh Thirteenth Sabbath Thawhlawm kum 100 tlinna champhâ a lo ni ta chiah mai. Hê hun champhâ hriatrenng nân hian tiin, hun kal tâa chonate leh chanchin ngaihnawm tak tak kan lo chhuah tawhte chu www.AdventistMission.org-ah târlan a ni dâwn a ni.

Tûn Kwartar chhông hian Northern Asia-Pacific Division ramte kan bàwh ang a; hê division chhônga awm ramte chu: China, Japan, Mongolia, North leh South Korea leh Taiwan-te an ni. Helai bial chhôngah hian mihring an bitin, an thahnem tham hlê a, tlûklehdingâwn 1.6 an tling †hèlh a, chông zîngah chuan Adventist Kòhhran member pawh 650,000 dâwn an awm. Chumi awmzia chu a bial chhông mihring 2,440 zêla Adventist pakhat awm ang lek kan ni. Ram hrang hrangah hian chona chi hrang hrang hmachhâwn tûr a tam hlê zêl mai!

Chona

Japan hi ram changkâng, sâkhaw tihbîk nei lo ram a ni a. A ram mihring zâ zêla pakhat leh a chanvê vêl (1.5%) chauh hi Kristiana inchnâl an ni a, chutah chuan Adventist pawh 15,000 chuang deuh an awm. Khawvêl hausakna, sum leh pai ûmna ram a nih bawk avângin Adventist member pawh kan pung chàk lo hlê a ni.

Japan ram chhìm lama thliârkhâr pakhat, Amami Oshima [ah-MAH-mee OH-shee-mah] hmuna Adventist kòhhran pawh hi hun eng emawti chhûng chu an ðang hlei thei lo a ni ber a, a chhan ber pawh hruaitu nèih mûmal lòh bâkah, ìnhhâwmna tûr biak in nei lo chu a ni. Japan rama kohhran hruaitûte chuan chû kòhhran enkawl leh châwm tûr chuan Korea ram aþangin pastor chhûngkua an sâwm ta chawt mai a. An bawngbâwlina chu Pathianin malsâwmsakin, tûnah chuan member 30 chuang an ni vê ta. Tlawhtû pawh an nei vê reng bawk a. Tûna an harsatna lian ber chu ìnhhâwmna tûr hmún nei a ni ta ber mai!

Mongolia ramah hian kan lùhna a la rei lovin, kòhhran pawh a la naupang hlê a, member pawh 1,600 chuang deuh kan ni. Kòhhran member-te hi a tlangpuiin ðhalai phûr leh talen nei ða tak takte an ni hlawm. Anni mamawh ber chu hruaitûte chhêr chhuahna tûr training center a ni a, hei hi dín a nih chuan mahnâ ìnenkaw l tûrin hruaitûte chherchhuah an ni mai dâwn a ni.

Korea ramah hian ramdang aþanga thàwktû leh zirlai an ðahnem phiân mai thung a. Ram danga piang, tûna hê ram khawpui Seoul-a chênga hnathawk leh zirlai hi mî maktaduaih khat chuâng an awm a. Khawpui laili taka hnam chi tin chi tangte intawhkhâwmna hmún pawh hian a dâwl zo ta ngang lo a ni ber mai. Seoul khawpui ramdang mî chêngte zinga rawngbâwlina nei tûr hian kòhhran mîte hi an che chhuak nasa hlê a, rawngbâwlina huâng pawh an zâuh zêl bawk. Râhseng tûrin bùhte an êng a, an hmín ta a, thawktûte pawh séng tûrin an phûr tlang hlê bawk a, mahse chûng mîte kòhhran chhûnga hruai lût a, han ìnhhâwmpuina tûrin hmúnin a leng rih sí lo a ni.

Mandarin Chinese ðawng hmang hi khawvêl ðawng pakhat hmangah chuan an ðahnem ber a. Kum thum vêl kal ta khân, kan Sabbath School Special Project Fund thàwhkhâwmte hmangin, Taiwan thliârkhârah recording studio dín niin, chutah chuan radio leh TV program-te chu Chinese ðawnga buatsaih a ni. Tûna chona lian tak mai chu hêng Chinese ðawng hmangte tâna TV leh Internet program siam hi a ni ta ber mai.

Pathian khawngaihna zârah, keiní kòhhran member-te hian Northern Asia-Pacific Division chhûnga rawngbâwlina hmasâwn zêl theih nân kan ðanpui thei a, an mammawh leh tlâkchhamna laite chu kan chhawmdâwlin, kan tuâmhlawm thei tih kan hrereng dâwn nia.

Remchânate

Tûn kuarter Thirteenth Sabbath thawhlawm hian hêng thilte hi a tihpuitlinsak dâwn a ni.

- Mongolia rama ðalaita pual training center dín.
- Japan ram, Amami Oshima-a kohhran tâna biak in sak;
- Korea ram khawpui, Seoul-a multi-cultural outreach center dín;
- China ðawng hmanga radio, television leh Internet program duân;
- Children's Project: Chinese ðawnga program siam.

Krista tâna in rawngbâwlpui,

Charlotte Ishkanian

(CHARLOTTE ISHKANIAN)

Editor, Mission

Kan Wesite aþangin thlalâk, recipes, ðawng chungchang inziahna, Puzzles leh Activity hrang hrangte Download-in print chhuakla naupangte nêh hun hlimawm takin in hmang thei ang. WWW.AdventistMission.org-ah khan "Resources" tihah *click* la tah chuan "Children's Activities" tihah lût leh la tichuan Kuarter 1-na chhûnga Activity hrang hrang awmah khân i duh duh i thlang tawh mai dâwn nia.

Adventist Mission DVD hi a thlâwn a ni a. Kan rambawhte thawnthute leh Adventist kohhranin a khawvêl pumpuia kan rawngbâwlina te a awm. In Sabbath Sikul leader hnenah khân a Copy dîl la. A nih loh pawhin, WWW.AdventistMission.org-ah khan DVD Program pakhat chu download theih a ni.

Member-te hnênah khawvêl kohhran hnathawh hi kârtina kan Sabbath sikul thawhlawmah a innghat lian êm êm a ni tih hi hrilh hriat nawn leh ni sela. Chawlhni vawi sawmpahnihna mission report-ah Thirteenth Sabbath thawhlawm vawi khat hi tun kuarter special project atan a ruat a ni a, a la bâng zawng Thirteenth Sabbath vawi thum thawhlawm hi chu kartin thawhlawmte nêh World Mission Fund-ah a lût a ni tih hi sawifiah ni se.

Thirteenth Sabbath Projects leh turte:

2012 kuarter hnihnaah chuan Southern Asia-Pacific Division ramte bawh niin, Indonesia khawchhak lama Manado Hospital tihlenna te, Indonesia khawthlang lama Medan hospital thuâm thatna bâkah, Myanmar (Burma) rama Adventist school tihlên a ni ang a. Special Children's project hmanga Bible-te leiin, Southeastern Asia hmun hrang hrangah sem a ni bawh dâwn a ni.

Kùm 1012 kuarter thùmna lamah chuan Southern Africa-Indian Ocean Division bàwhin, Madagascar rama university dín, South Africa rama biak in leh sikul dín bâkah, Namibia rama Himba hnam mîte tâna solar-powered MP3 players bunsakte a tel ang.

EDITORIAL:

Editor: Charlotte Ishkanian

Contributing Editors: Esther Lipscomn

Managing Editor: Hans Olson

Layout and Design: Emily Harding

OFFICE OF THE ADVENTIST MISSION

Director: Gary Krause

Communication Director: Rick Kajiura

Marketing Director: Nancy Kyte

Programs Director: Marti Schneider

Planning Director: Delbert Pearman

Communication Staff

Projects Manager: Laurie Falvo

Projects Manager: Hans Olson

Video Producer: Daniel Weber

Motion Graphic Editor: Andrew King

First Quarter 2012 * Volume 101 * Number 1

Website: www.AdventistMission.org

Mission (ISSN 0190-4108) is produced and copyrighted © 2012 by the Office of Adventist Mission, General Conference of Seventh-day Adventists®, 12501 Old Columbia Pike, Silver Spring, MD 20904, U.S.A. Printed in U.S.A.

ADVENTIST® and SEVENTH-DAY ADVENTIST® are the registered trademarks of the General Conference of Seventh-day Adventists®.

Texts credited to NIV are from the *Holy Bible, New International Version*. Copyright © 1973, 1978, 1984, International Bible Society. Used by permission of Zondervan Bible Publishers.

Permission is granted to reproduce material from this quarterly for use in local Sabbath Sikuls and children's ministries programs. Permission to reproduce any portion of the material for sale, publication in another periodical, or other commercial use must be authorized by the editor at the above address.

For subscription inquiries, e-mail Steve Hanson at shansons@rhpa.org or call 1-800-456-3991 or 1-301-393-3280. Annual subscription rates per edition: domestic, US\$7.50; international, US\$14.50.

Statistics for Northern Asia-Pacific Division

Union	Kohhran	Kompani	Membership
Chinese Union Mission	1,211	3,708	404,110
Japan Union Conference	107	43	15,354
Korean Union Conference	712	190	222,404
Attached Field: Mogolia	4	6	1,664
Totals (as of 1/5/2011)	2,034	3,947	643,532

Published and edited in Mizo by Malsawma Tochwawng, Sabbath School & Personal Ministries Department Director, Mizo Conference of Seventh-day Adventists, Box-097, Aizawl, Mizoram, INDIA- 796001, on behalf of General Conference of Seventh-day Adventists. Printed by Lalngaihawma at Remnant Press, Aizawl. Copy-500.

CHAWLHNI I-NA January 7, 2012 MISSION KUM ZÀ TLÌN LAWMNA

Kùmin hi Thirteenth Sabbath Thawhlâwm leh *Rawngbâwlina Chanchin* bù kùm zà tlinna a lo ni vê ta hial mai. Hêng thilte kùm 100 tlin lawmna atân hian, kùmin chhûng Rawngbâwlina Chanchin bù tìnah kùm 100 kal ta chhûnga mission report ngaihna zual deuhthe chhuah nawn a ni thîn dâwn a ni.

China

Tùn kuartar chhûnga kan ram bàwh zînga pakhat, China hian a vawi khatna atân kùm 1912 khân Thirteenth Sabbath Thawhlawm thenkhat hi lo dawng tawhin, misawnarite chènna tûr in sakna atân hman a ni. A hnû kum 35- emaw vèlah Thirteenth Sabbath Thawhlawm chu dawng lehin, misawnari tharte chawklùh a nih bàkah, hmún tharte leh sikul te dínin, lehkha chhùtna khâwlte leh damdâwi lama inenkawlina hmunte dín a ni baw.

Khatih hún tîr lam kha chuan China ramah hian rawngbâwlina a kal chàkin, a t̄hang duang hlê mai a. Kùm 1915 report-a a landânin, ram bial khatah ngâwt pawh magazine 11,000 leh lehkha phêk 3,000 chuâng hrâl h chhuah a ni a, khawpui lian leh thingtlâng khaw lamah pawh Pathian Thû hrilh tûra kòhna a tam hman hlê mai.

Report chuan, “Hetih hún chhûnga hêng lai khawvêla kan hnathawhin hmâ a sâwn chak dân hi thil chhinchhiâh tlâk tak a ni. Pathian Thlarau chuan mak takin mîte thilungah hnâ A thàwk a, khawvêl boral mêk hnêna sâwmna thuchâh pawm tûrin a buatsaih a ni,” tiin a târlang.

Chutih rual chuan rawngbâwltute indâih lòhna nasatzia chu Frank Allum-a'n a report pêka, Szechuan bial chungchâng a sawi atang hian a chiang hlê thung âwm e. “Hê bial zâu tak hi . . . rinhlêh rual loh, khawvêl pum puia Seventh-day Adventist-te luh tawhna zial zawng zawngah mamawh leh tlâkchham nasat berna bial a ni hial ang. . . . Hê bial zâu takah hian, a mihring chêng 88,000,000 zînga vântirhkòh pathumna thuchah puangtu chu rawngbâwltu pahni chiah an ni, . . . Ramthim rawngbâwltu pahnihte tih chauh lo chu, America ramthim rawngbâwltu zawng zawngte hi hnùh lét an ni ta vék ang hial zu niâ . . .”

Thàhmemngai Taka Zawngtu

Chinese pa pakhat Min-a chuan kum eng emawti chhûng chu chhandam ngâi a ni tih a lo inhre tawh thîn a. Mahniâ tempul dínin, chû chu a pêmchilh a. Mahni chauha khawsâin, a pathian hnênah chuan rimtuite hâlin, nî tin hian chawnghei leh t̄awngt̄aiin hún a hmang thîn a.

Mahse chutianga a tihna aṭang ngáwt chuan muánna leh a beisei chhandam hlimna chu a hmù thei chuàng sî lo.

A tâwpah chuan beidawngin, chu tempul chu a kalsan a, an thingtlâng khaw lamah chuan a kîr leh ta a ni. Chutia a kîr leh chuan, an khuaa Adventist ramthím rawngbâwltûin beihpui thlâk inkhâwmna huaihawt chu a hre ta hláu mai a. Chutah chuan inkhâwmin, Pathian hnênah a thîlung hlânin, a thîl zàwn tak mai chu a chang ta hláu mai a ni.

Chutianga Min-a a lo pianthàr tâkah chuan a tempul chu a ruak reng nân, a thîlung lam erawh Pathian hmangaihna leh lâwmnain a luang liâm sî a ni.

Ṭawngṭai Thîltihtheihna

China ram thingtlâng khaw hla tak maia mission hmún pakhata kòhhran enkawltu chu “Pu Djang-a” an tih mai chu a ni a.

Ṭhâl ruah tlâk ṭhât lòh ṭum hi chuan, an thlâi chîn zawng zawng hmùh ralin, loneitûte chu an mangang thei hlê mai ṭhîn a. Loneitûte chuan an neih chhún chhún thîlte chu an pathian hnênah hlânin, an tualchhûng tempul-ah chuan an pungkhâwm a, mahse vân lam lah chu a thiàng kûk reng tho mai sî a ni.

Chutah lê, Pu Djang-a chuan a khuaa mîte chu ko khâwmin, Bible thawnthûa Elija’n ruah a dîl thûte (*1 Lalte 18:42-45*) hrilhin, chuta lo kal khâwmte hnênah chuan chona a siam ta a. “Vân Pathianin ruah A rawn sûtîr theih nân rínna kan neih a ngai a ni,” tiin a hrilh a. Tichuan Pu Djang-a chuan Pathian hnêna ruah díla ṭawngṭai tûrin a sâwm ta hlawm a.

Chutia Pathian hnêna ruah díla an ṭawngṭai zawh chuan mahnî in lamah an háwng ta dial a, ruah sûr tûrin chhûm hmùh tûr a awm em tih hriat túmin an mît an lên vèl a. Tlâi lamah chuan mi pakhat chuan kâwl bual chhûm dum réih hi a hmu a, chumi thû chu a dàrh chak nghâl hlê mai rêng a. Pathian chuan an dílna chhângin ruah chu A sûtîr a, chumi zân chuan bawhawk takin ruah a lo sûr ta a ni.

A tûk chiah chu Sabbath nî—Thirteen Sabbath chiah mai a lo ni lehngâl a! Ṭhenawm khawvêngte pawh chu ruah A sûtîr avânga Pathian hnêna lâwmthû sawi tûrin chû biak in te tak têah chuan an rawn inkhâwm a. Pu Djang-a chuan mi tinte chu Pathian hnêna páwk taka lâwmna thawhlâwm thàwh ṭheuh tûrin a sâwm a. Chû sâwmna chu chhângin, ringtu ni vè kher lêm lote pawhin phal takin an rawn thawh a. Chû chauh ni lovin, chû khuaa mîte chuan chutianga ṭawngṭaina chhângtu Pathian chanchin chu Chiang zâwka hrilh vè tûrin an ngên ta zâwk a ni.

Chuta Ṭanga Chanchin Kal Zêl

Komiunis râl a lo lén a, China sorkar an paihthlâk tâkah khân, mission thîl rêng rêng chu engkim mai an chhùhsak nghâl vék a, rawngbâwltûte pawh an hnàwt chhuak zúi bawk a. Kùm 1951 aṭang khân, kùm 40 vèl zét chu China rama Kristiante chung a thîl thleng engmah khawvêlin hriat zúi a nei ta lo! Chutah China raman zâlênna kâwl a lo êng ṭan leh a, khatih chhûnga Kristiante chung a thîl thleng, harsatna namên lo tak an tàwh leh, rínnaa an dîngghèh chanchin ngaihnaawm tak tak sawi tûr a tam ta hlê mai a ni.

Kùm 1948-a Thirteenth Sabbath Thawhlawm an dawn hnû kum 50 vèl, 1998 khân Asia khawchhak lama Chinese ṭawng hmangte tâna program siamna tûr chu an dawng leh chauh a. Chuta ṭanga kum 10 vèl, 2008 khân khawvêl púm puia Chinese ṭawng hmangte tâna program siamna tûrin, Taiwan rama recording studio bún nân Thirteenth Sabbath Thawhlawm chu an dawng leh a ni. Tûn kuartar Thirteenth Sabbath Thawhlawm hi Mandarin ṭawnga video program leh Hope TV leh Internet-a tihchhuah tûr siam nân a kal leh dâwn a ni.

Tûnah hian Chinese ṭawng hmang hi China leh Taiwan-ah hian mihring tlûklehdingâwn 1.4 zét an chêng a, ram pâwn lam Indonessia leh North and South America lamah pawh maktaduaih têt an pêm bawk. Khawvêl púm puia Chinese ṭawng hmangten Pathian hmangaihna an lo hriat a, Isua chu an Lal leh Chhandamtûa an pawm theihna tûra an tâna Chanchin Ṭha puân chhuahna

tûrah hian thahnem ngàihpui tlâng theuh ila. March 24-ah hian Piancham thilpêk kan pêk theih tha ber chu hlân tûrin member tinte i lo ìnkâu lâwk theuh ang u.

Bengvârna Thû

- * Norther Asia-Pacific Division chhûng chêng mî tlûklehdingâwn 1.6 zînga tlûklehdingâwn 1.4 vêl zét chu China leh Taiwan rama chêng an ni.
- * Kùm 1888 khân mimír thahnemngai tak Abram LaRue chuan lehkhabu zuarin China ramah Adventist thúchah a lo tlângâupui tan a. Hongkong aţangin China chhim lam Canton khawpuiah lûtin, lehkhabu a hrállh bâkah mi tamtak chanchinbu a lâktîr a ni.
- * Komiunis rorêl lai khân, a bikin Cultural Revolution an tih hún chhûng phei kha chuan, Kristianten tihdùhdâhna an tuâr nasa êm êm a, Adventist member tam tak tântîr leh tihlûhnaa inçhâwrna hmûna rethei taka thâwhtîr an ni.

CHAWLHNI 2-NA TLÂN BO

**JANUARY 14, 2012
MONGOLIA**

JAGANA-I chu Adventist Biak Ina nî danga a thùtna thín hmúnah a thû a. Inkhâwm hi nuam a tûin a hlím thei hlê a. Mahse a zîrna lama a buai zual deuh lai chuan Pathian pawh hre chang lovin, ţawngţai leh inkhâwmte pawh a inthlâhdâh deuh a. Pathian chu a la ríngin, Amah a rínna pawh a hlòh tihna chu a ni chuâng lo. Mahse a nùn chuan Krista a châwimâwi ber lo tih chu a inhria a ni.

A rilrû chuan Ka tel lo hian kohhran pawh hi an hlim zâwk ang, ka thil ngainàt takte chu hlamchhiah zui teh rih mai ang a tí a ni.

Jagana-i chuan a bei ngàwrh bawk a, a zirlaiah pawh a tiţa phiân rêng a, graduate zîngah pawh honors kâi phâk nih a inbeisei a. Chutiang taka a zîrna a ngàwrh avâng chuan Isuâ pawh ngaihtuah chang lovin, a hlamchhiah a ni ber zâwk âwm e.

Isua nêna an intâwn hmasak lai hunte a ngaihtuah lêt a. Adventist thàlaite nên Sâptawng kha an zír tlâng a. Khatih lai khân a nû leh pâten Kristian-ah a inpê tih an hriat ngát chuan, an dodâl ngêi ang. Isua kha thúpui bera neihin, engkim dang zawng âiin a ngaihlú zâwk thîn a ni.

Mahse university a lùh tâk chínah chuan, khawvêl zîrna lama a hlâwhtlinna chu Isuâ hmêl âi chuan a lo êng mâwi ta zâwkin a lang a, chû chuan Pathian hnên aţangin a híp bo ta hrét hrét a. Pathian chibaibûk inkhâwmte pawh chu thíl narân leh satliah, tihphúng pângngai mai a lo ni ta a. Chumi nî Sabbath-a a inkhâwm pawh chuan *Tûn hi Pathian biak inkhâwmnaa ka tel hnúhngùng ber a ni tawh ang. Dâwta nùn âi chuan chhuahsan lâw lâw a tha zâwk tiin a ngaihtuah neuh neuh a.*

Mahse Pathian chuan Jagana-i tân ruâhmanna dang A nei sí a ni.

Golden Angels

Chumi tlâi chuan Jagana-i phone a lo rî a. “Jagana, i tân chanchin lâwmawm deuh mai hrilh tûr che ka nei a!” tiin a àw hriat than tak mai Pastor Joshua chuan a rawn bia a. “Golden Angels” an tih pâwla tel tûra thlân i nî!” tiin a hrilh a.

Jagana-i chuan awm ngàihna a hre lo hlê mai. Hêng Adventist Thalai Zâipâwl Golden Angels pâwl zâi a hriat tih phát aţang khân an zînga tel vê hi a châk thei hlê a, an pâwla tel tûra thlân ni hláu mai ila tiin dùhthû a lo sâm vê fo tawh thîn a ni. Pathian rawngbâwlin Northern Asia-Pacific ram hrang hrangte chu kum khat chhûng an lo fang kual tawh bawk a.

Jagana-i chuan harsa ti tak hian, “Pastor, ni lo vê! Ka tel thei lo vang,” tiin a chhan pawh rang takin a hrilh zúi ngêl a. “Tûnah hian ka graduate dâwn mêk a ni a, kùm khat lai zír zawm lova kan thang bo chuan, ka scholarship hi ka chên ang tih ka hláu. Chû lo rêngah pawh Golden Angel zînga tel tûr chuan ka âw hi a tha vê lova, zâi ka thiâm lo,” tiin a chhâng a. Pastor

dùhsakna chungah lâwmthû sawiin, an ìnmangthâ zúi ta a ni. Thlarau lama thí m êk a ni tih lam thû chu a sawi lang lo.

A hnû ni rei vak lovah chuan Pastor Joshua chuan arawn phone leh a, Jagana-i chu Golden Angel pâwla tel tûrin a sâwm nawn leh a. Chutah pawh chuan a la hnial ta zêl a. Pastor Joshua chuan a vawithùmna atân a'n sâwm leh a. A hnênah chuan, "Jagana, i thèih lòh thûa min chhâng suh ang che. Dârkâr 24 chhûng chu ÷awngtâiin Pathian hnênah lo thlen vê pháwt ang che," tiin a chàh a.

Jagana-i chuan lo ÷awngtâi chu rem a ti a. Mahse a rilrûah chuan Golden Angels pâwl a zawm lòh chhan tûr ngawt chu a rì nawn chhên sî a ni.

Berâm Hmùl

A intiâm ang chu Jagana-i chu a ÷awngtâi ta ngêi a. "Pathian, i fingin, i zèi hlêin ka hria a, engkim hre tûrah ka ngai che a ni. Mahse engati nge keinî angte Goldel Angels pâwla tel tûra min thlàn mai le? Mahse . . . hê pâwla tel tûra min dùh takzét a nih chuan, chhínchhiähna min pé ang che," tiin a chham a.

Jagana-i chu lo tho chhuakin, a nui var var mai a. A chhûngten an hriat phawt chuan an thínrim bâkah, an professor pheï chuan zirna a chàwlhsan chu a phal dâwn lo hrìm hrìm mai.

Chutiang remchâna a neih chungchâng chu a chhûngte hnênah a thlen a. A nû chuan, "I pâ zâwt teh," tiin phone chu Jagana-i pâ a pê a.

A pâ chuan, "In zirtirtûte berâwn rawh. Thâ an tih chuan keini pawhin kan remtî a ni mai," tiin a chhâng a.

A pâ chhâna chu engtia bawhzui tûr nge a ngaihna a hre vak lo va, phone chu a chelh reng a. A biakrâwn ber professor chu Kristian a ni vê tho nân, an pâwl chu a lawm lêm lòh avângin zâi mai mai tûra kùm khat lai zirna han pelhê san chu rem a tihzâwng a ni lovang tih a ring ngâl mai a. Amah ngêi pawhin university-a medal dawn a châk ang bawkin, hê professor pawh hian lâwmman chu dawng phâk ngêi tûrin a dùhsak bawk a. Mahse Golden Angels chungchâng a'n hrilh chuan, "Ka lâwmpui che êm! Kal ngêi rawh," tiin a lo chhâng ta mai a.

Chumi zâna Jagana-in pastor phone call a nghah lai chuan, enge a hrilh ang tih chu a ngaihtuah nasa hlê a. Chutah, Pathianin rawngbâwl tûrin A ko zâwk a ni tih hriatthiâmna a nei ta a. *'Ani chuan min la hmangaih reng a, min lo la dùh reng a nih hi!'* tiin a ngaihtuah a.

Lâwm Chunga LALPA Rawngbâwlin

Jagana-i chu sikul lam aṭanga ìhnûk dâwkin, Golden Angels pâwl chu a zawm ta a. Zai zír thiâm sâ rêng a ni lo va, han practise vèlnaah pawh harsàtna a tâwk nual rêng a ni. Pathian ṭanpuina zârah, amâ theihna bâkin a zâi thei a ni tih inhriatnate a nei ta hial a.

Chû pâwlin rawngbâwlina bul an ṭan tâkah chuan, a rínna sàwhngghèh nâna Pathianin chû pâwl A hman dân chu a hmùthiam ta zêl a. Mongolia rama rawngbâwlina bèihpui an thlâk chhûngin, Jagana-i nû pawhin a thínlung chu Pathian hnênah a hlân a. Jagana-i chuan, "Pathiannin min hmangaih, min kalsan ngai dâwn lo tih min hmùhtîr a. Keiin kalsan ka tùm rílrûk lai tak maia Amân min zawng chhuak leh hi ka hlím êm êm a ni," tiin a lâwm thû a sawi a.

Jagana-i chuan a zirna lam chu a zo ta tho va, tûnah hian Mongolia rama Adventist elementary sikulah thawkin a zirtîr m êk a. A zirtîr naupangte bâkah an nû leh pête chu an in lamah tlâwh chhuak a, Chhandamtu mak hmêlhriattîr túmin ṭan a la zui zêl a ni.

Mongolia rama Adventist Kòhhran hi a la naupang hlê a. Hê rama baptisma chang hmasa berte pawh kùm 20 pawh la tling lo kal taa mi kha an la ni chauh a. Tûn kuartar Chawlhni 13-na Special Project Fund ṭhenkhat hi Mongolia ram puma Pathian hmangaihna Chanchin Thâ puan darh nân a kal dâwn a. Thahnemngai taka thawhlâwmte in thàwh thín avângin lâwmthû kan sawi e.

Bengvârna Thû

- * Mongolia ramah hian mihring maktaduaih 2.8 vêl an chêng a, chûng zînga a chanvê dâwn chu an khawpui Ulanbaatar [ooh-lahn-BAH-r] a chêng an ni.
- * Mongolia ram Komionis a tlûk hnûa baptisma chang hmasa ber chuan 1993 khân baptisma a chang a. Tûnah chuan member 1,600 chuâng awmin, kohhran puitling, kompani leh group-te chu hmun 10 emaw laiah an inkhâwm vê a, chûng zînga 7 pheih chu khawpui chhûng hmún hrang hranga dîng an ni.
- * Mongolia rama Adventst Kôhhran hi Thalai Kôhhran an ni ber a, member tam zâwk hi thalai kùm 30 hnuai lam an ni hlawm.

CHAWLHNI 3-NA **January 21, 2012**

PATHIAN HÚN RUÂTAH

Mongolia

Boldroo

Boldroo-i'n an exam routine a'n én chuan hrehawm a ti kher mai, chuta a landân chuan exam chu Sabbath nîa nèih ngai dâwnin a lang tlát mai. University zirlai zo hrâm tûr hian theihtâwp a chhuah vê takmeuh a. Exam fee lamah pawh a buai lòh nân tiin chawlh chhûng zawng pawh hna thawka inhlâwh nân a hmang kha a ni a. Zirtîrtûte hnênah chuan Sabbath nî ni lo, hún danga rem ruatsak hrâm tûrin a ngên a.

Graduation hun a lo hnâih zêl chuan, a zir zàwh vê mai theih inbeiseiin a rilrû pawh a hlím hlê thîn a, mahse tûnah rokhâwlhna awm dâwnin a lang ta tlát mai sí a, a pûma vih ang hialin a tuar nâ a ni. Sabbath nî a exam ziah ngaiin routine a lo chhuak tlát mai!

Dîlna Hnâwl A Ni

Boldroo-i chuan a thianû Coral-i hnênah chuan, “Engtín nge ka tih tâk ang le?” tiin mangang takin a'n zâwt a. “Sabbath nîa exam ziah dùh lo zirlai rínawmte tâna Pathianin thíl mak eng eng emaw A lo tihsak tawh chanchinte ka lo hre tawh thîn a. Chutih rualin zirlai thenkhat Sabbath nîa exam an ziah dùh lo vâng zir chhuak thei ta lo chanchinte pawh ka hre tho bawk,” tiin a chhâng a.

Coral-i chuan, “Hawh, director hnênah i thlen ang. Tihdân kawngte pawh a lo hre mial maithei a sin,” tiin rawtna a siam a.

A tûkah chuan an thian dún chuan departmental director hmu tûr chuan an kal dún a. A lungâwi lo hmêl a'n hmuh chuan Boldroo-i thínlung chu a phú zàwih zâwih a. “Engati nge hetiang exam hunte tidanglam tûra min tih? In pâwlpui dangte nêl a ruala exam in ziah a ngai a lâwm. Ka office hi chhuahsan wát rawh u!” a ti khùr khùr mai a.

Director office an chhuahsan pah chuan Carol-i chuan, “Pathianin ruâhmanna dang A nei ang,” tiin a thianû chu a hnêm a. Boldroo-i chu a lo bù nghát a, mahse Pathian ruâhman dân chu engang nge ni ang han ngaihruat vak ngaihna pawh a hre sí lo. A rilrû chuan ‘Eng pawh ni se, Sabbath nîah ka exam chuâng lovang,’ tiin thút lûkna a siam a.

Ní Rêi Bér Nî

An final exam nî tûr, a university zirlaipuite exam ziah tûra an kal sap sâp lai chuan anî chu inkhâwm tûrin Biak In lamah a kal thúng a. A rilrû chuan exam lam ngaihtuah lova, Pathian chibai bûkna lam chauh ngaihtuah a túm lui tlát a, mahse ngaihtuahna thúnùn chu thíl hár tak a ni thúng sí a ni. Examna hmún lamah chuan a thianté chuan an thúpui (theses) ziahte chungchânga zawhnate hmachhâwnin, an chhâng a. Chutiang lam ngaihtuahna a rilrûa lo lût leh thîn chu, Pathian thû: “Ka kalsan tawp lovang che a, ka hawisan hêk lovang che,” (*Hebrai 13:5*) thû sawi nawn sawi nawnin mahnî inkhâp bêh hrâm a túm a.

Chumi nî chawihnù tlâi lamah chuan Boldroo-i chu inah a hâwng a, phone a lo rì rang rang a. Office secretary chuan, “I exam theih nân i document-te chu peih diâm a ni e,” tiin a rawn hrilh a. Boldroo-i chuan lâwmthû hrilhin, thîl han sawi zawm ngaihna vak pawh a hre mai lo. Chumi hnûah pawh chuan a zirlai puite leh zirtirtu thenkhatte pawhin phone-in, Boldroo-i chu exam rawn bei vê mai tûrin an sâwm a.

Boldroo-i chuan sikula kal vê tûra thlêmna chu a do fan fân a. A hmâ aţang khân exam hi zân dâr 8 vêlahte an zo thîn tih a hria a, chutiang húnah chuan nípuilai chuan nî pawh a la tlâ ngai lo. Boldroo-i chu Pathian hnênah ʔawngʔaiin, Sabbath nîa sikul kal tûra thlêmna do thei tûra chàkna pe tûr leh rilrù ngaihmuâng taka awmtîr tûrin a dîl a.

Boldroo-i chuan tlâi nî a tlâk a, kâwl êng a chuâi thleng chu a nghâk a, chutah sikul lam pan tûr chuan a chhuak vê ta a ni. Rîlrûa ʔawngʔaina hlân màwlh máwlh chungin university lam chu a pan a. *A la tlâi chhè lútùk lovang chu maw!* tiin beiseina neiin a kal a.

“I Pathian Chu A Ropui E”

Boldroo-i n examna hmún office a thlen méuh chuan khuâ a thím hman tawh a. Zirlai dangten lo la zo lovin, an paper sawifiahna hún an lo la nghâk nual mai tih a hmùh chuan mak a ti hlê mai. Exam register bûah chuan a hming a n *signed* a, tichuan a thesis chu committee hmâa parh tûrin zirtirtu hnênah a pê a. Tichuan Boldroo-i chuan a lo nghâk vê ta a ni.

A ʔian thenkhatte chuan engati nge chû chen chen a nghah khawtlâi tiin an zâwt hlawm a. Anî chuan Pathian ringtû a nih leh, Pathian thúpêk anga Sabbath serh thianghlim a dùh vâng a ni tiin a hrilh a. Examna chu a kal zêl a, Boldroo-i pawh a mut a chhuak hman deuh hial a. Zànlai pèlh thleng chuan exam vê tûr chuan a la nghâk a. A hún a lo thlen vê tâkah chuan, a paper-a a thuziak aţanga zàwhnate chhâng tûrin a inring rân a. Mahse zirtirtu chuan chutiang lam chu zâwt ta lo chuan a rínna chungchâng lam hlîr chu a zâwt ta zâwk a.

Zirtirtu pakhat chuan, “Tûn ʔum chiah hi tlâi dâr 8-a exam kan zàwh lo chhún a la niin ka hria. I exam vê theih thona tûra remruatsaktû che i Pathian chu Pathian ropui tak a ni e,” tiin a sawi chhuak hial a. Boldroo-i pawh a lo bù nghát nghát a, an zirtirtute hnênah chuan a rínna chungchâng chu a thiâm ang tâwkin a hrilh nghâl a. Annî chu an chû tawh hlê chungin, chîk takin an ngaihthlâk sak tho a ni.

Exam result târ chhuah a nih tâkah chuan Boldroo-i pawh a hlawhtling a. A ʔian thenkhatte chuan inkhâwmnaa hruai vê tûrin an ngên hial a. A rínna chungchâng hi Chiang lehzuala hriat an châk a ni.

Mahnî Chanchin Hrilhin

Boldroo-i chuan fiahna a paltlang tâk chu zirna a zàwh thlengin a theihngihl thei tawh lo. An rínna avânga Sabbath bawhchhe vê duh lo midangte chanchin a ngaihtuah chângin, ani pawh a rilrù chhûng rílah lâwmna neiin, a hlím hlê thîn a ni. Tûnah chuan anî pawhin rínawm taka Sabbath a sèrh chungchâng sawi tûr a nei vê ta! Remchâng a hmùhna apiangah sawi a hreh ngai lo.

Boldroo-i hi mahnî vânglai húna Krista pawmtu ʔhalai eng emawzât zînga pakhat a ni a. Annî ang hi Mongolia rama kòhhran kaihruaitu tûrte an ni a, mahse incherpui tlin zêl an la mamawh vê tho sí a ni. Tûn kuartar Chawlhi 13-na Special Project Fund thenkhat hi Mongolia rama ʔhalaite incherpuitlinna tûr hmún dínna atân a kal dâwn a. Mongolia rama kòhhran hmahlîr min manthiampuia, thawhlawmte phal taka in thawh dâwn avângin lâwmthu kan sawi lâwk a ni e.

Bengvârna Thû

* Mongolia rama missionary hmasa berte chu Russia mite niin, kum 1926 khân hnâ an ʔan a. Mahse hê rama Komiunis a lo len tâkah khân hnâ chu a lo khâihlak ta reng mai a ni.

- * Kùm 1991 khân missionary-te lo lût lehin, a hnû kùm hnihah Adventist Kristian hmasa berin baptisma a chang a. Tûnah chuan member 1,600 chuâng lai awm vê tawhin, hmun hrang hrang 10 vêlah inkhâwmna an nei thîn a ni. Hêng Adventist member tam zâwk hi thalai an ni bawk.
- * Kùm eng emaw zât kal ta khân Thirteenth Sabbath thawhlawm hmangin kòhhrante chuan member lo pung chho zêl tân in ding laite leiin, biak in atân an cheibâwl a, an luah laite pawh an tihlén bèlh zêl bawk a.

CHAWLHNI 4-NA **January 28, 2012**

BINDERYA MÌTTUI

Mongolia

Binderya

“POLICE kan ni, kawng hawng rawh ul!” tia âu râwl a’n hriat chuan Binderya-i [bihn-DEHR-yah] chuan hlâu takin a pâ hnên a pan nghâl dâwr dâwr a.

A pâ hnênah chuan, “Ka pâ, engtizia nge ni ta ngai?” tiin a zâwt a. A pâ chuan a lû chûlsak pah chuan, “I nû hnênah kal vát rawh,” a ti a, anî pawh chu a nû hnên lam chu a pan nghâl vát a.

Binderya-i chuan a nû pàwnfên chu a vuân nghâl chát a, a pâ chuan kawngkâ chu a va hawng a, pàwna polis lal lo ding chu a va biâ a. Pulis lal pakhat chuan pàwn lamah a kâi chhuak a, an hruai bo hmâ chuan a nùpui leh fanû chu a’n mèlh zúi tawk tawk a.

A nû chuan Binderya-i hnênah phún sâ sâin, “Nîmina i pân bawngpui a rawn khàlh hâw kha pulis-ho hian a rûk niin an ríng a ni ang,” tiin a hrilh a.

Binderya-i chuan mittui hrù fap fap chung chuan, “Ka pâ chuan bawngpui ka a rù hlei nêml Chutianga rûk rûk chu a ti ngai lo vang,” a ti a. Zân mùt húnah pawh chuan a pâ chu a lo la hâw thei sî lo. Binderya-i chuan a thianten an pèk Bible thawnthûte a’n én thuak thuak a. Hê Bible thawnthú bû hi a pâ nên an chhiar dún thîn a. Zanin chu thawnthú ngaihthlâk tûr a nei dâwn lo tlát mai. A pâ chu tân inah a tâng ta a ni.

A mùt pàhin Binderya-i chuan a rilrû tê têtin, “*Ka pâ hmêl hi ka hmù leh a ngem le?*” tiin a ngaihtuahna a chavai hlê a. A mittui luang zàwih zàwih chung chuan bang lam hawiin a mù a. Kâr lòhah chuan a lo mùthilhsan vê ta mai a ni.

Pathianin Pâ Tawngtâina A Chhâng

A tûkah chuan a pâ chu a lo hâwng vê leh ta mai a. Binderya-i hnênah chuan, “Engtia rei nge ka tân zúi dâwn pawh ka hre bîk lo,” tiin a hrilh a. “Kan Bible thàwnthú chhiar dún lai kha ngaihawm ka ti hlê mai a, Isua’n a thianten hnêna tawngtâi dân A zirtîrte pawh kha ka la hre reng a. Chuvang chuan pulis-hoten thudik chu an hriat a, min chhuahtîr theih nân thingthîn ka tawngtâi a. Tûkinah hian min hâwntîr leh ta a nih hi. Pulis hnêna bawngpui bo report-tûte khân dâwrpuiah an zuâr lek zâwk a lo ni a. Pathianin ka dîlna min chhânsak a ni,” tiin a fanû chu a hrilh kâuh kâuh a.

Chumi zân chuan Binderya-ite pâ-fâ chuan Bible thawnthú chu ngaihnaawm ti takin an ìnrilh leh thei dâwn ta a. Anni chhûngkua hian Pathian emaw Isua chanchin emaw hriat pawh an la nei vak lo va, Bible thàwnthú an chhiara an hriat chín hi an thíl hriat chhún chu a la ni rìh mai. A pâ chuan chûng thàwnthúte chu phuachawp mai mai ni lo, thíl tak tak a ni ang tih a ríng nghêt tlát a. Chûbâkah zâna a tân laia a tawngtâina pawh Pathianin A chhânsak tih a hria a ni.

Sâwmna Pahnih

Binderya-ite chhûng chu Mongolia rama khaw dangah an pêm a, chutah chuan thian thar dang pakhat, Anojin-i [AH-noh-jihn] chu a chhar hlâuh mai a. Anojin-i chuan, “Kan biak inah program hlimawm deuh kan nei dâwn a, lo inkhâwm vê ta che. Zâithiam zâi leh rimâwi tùm ngaihthlâk tûrte pawh a awm dâwn a sîn,” tiin a sâwm a.

Binderya-i nû chuan kal chu a phalsak vê mai a, anî pawh chuan program chu ngaihnaawm tiin a kham lo hlê zâwk a. Chuta chín chu Anojin-i nên chuan an inkhâwm dún ta zêl a. Hlâ thârte zírín, Bible thawnthú ngaihnaawm dangte pawh a hriat bèlh ta zêl bawk a. Chûng a thíl

hriat thàrte chu a nû hnênah hrihlin, a zirtîr chhâwng vê zêl a, mahse chîpchiar takin a hrereng thei sî lo. A nû chuan Binderya-in a thianten nêna Sabbath Sikul kal nuâm a tihzia chu a hre Chiang hlê.

Khawpui danga hnâ a thàwhna aţangin Binderya-i pâ chu a lo hâwng a. Binderya-i chuan a pâ hnênah Sabbath Sikula an thîl zirte chu a lo hrih vê zêl a. Inthlahrúng leh fiamthû deuh tak chungin, “Ka inkhâwm vê min phalsak a ngem?” tiin a zâwt a.

Binderya-i chuan, “Tehrêng mai!” tiin a chhâng a. Chumi kêr aţang chuan Binderya-i pâ pawh chu a inkhâwm vê ta zêl a. A nû erawh chu a inkhâwm vê dùh lêm lo. A nû hi chu a beng thîl hriatna a chak lòh avângin mî zînga awm a inthlahrúng tlát a. Mahse annî pâ-fâ chuan thawnthu sawi húna inkhâwm vê ngêi túrin an sâwm a, nû ber pawh chu a inkhâwm vê mai baw k a.

Kòhhran member thenkhat chu an inah lêngin, Binderya-i nû chu a chhûngte nêna Pathian chibaibûk inkhâwmna chhím túrin an sâwm a. Anî chu a inkhâwm nghâl mai dùh lêm lo. Inkhâwmnaa mi túten emaw an lo lâwm lo vang tih hlâuvín a inthlahrúng tlát a ni.

A Himpui Nàtna Chu

Chutah lê, pâ ber chu a damlo ta tlát mai a, a na viau mai lehngâl! Doctor-te pawh chuan a damchhuah rêng an beisei ngam lo. A pâ damna túrin Binderya-i chuan a aţawngţaisak thîn a. A nû pawh chuan, “I pâ a lo dam leh theih nân Pathian hnêna dîlsak dân ka zir a ngai a. Ka zir theih nân i ruâlin ka inkhâwm vê thei a ngem?” a ti a.

Binderya-i chuan lâwm avângin a nû chu a kua chûk chûk a, “Tehrêng mai!” tiin a chhâng a. Sabbath nîah chuan Binderya-ite nû-fâ chu an inkhâwm dún a. Kòhhran member-te chuan an lo lâwmin, an lo dawngsawng tha hlê mai a. Inkhâwmnaah chuan an nû-fâ tân leh an pa damlo tân pawh chuan aţawngţaina an hlân a.

A hnû lawkah chuan Binderya-i pâ pawh chu a lo tha chho ta tial tial a, an chhûngkua chuan an inkhâwm tlâng dial dial a. Chuta ţanga thla tam vak lo hnûah chuan Binderya-i chuan a nû leh pête baptisma chang lai ngêi chu a hmùhpui thei ta a ni.

Mongolia rama Adventist Kòhhranin Biak Ina sikul a dín tîr pawh khân Binderya-i nû chuan a fanu sikul fee hlawh nân tiin Biak In phiatin, a tifai thîn a. Anî pawh hian a nûin Biak In a phiat leh tifai vêl chu sikul bânah phûr takin a pui thîn a. Chutianga hmùn a phiàh pahte chuan ngaihtuahna a sêng nasa thei hlê a. An chhûngkaw nùn LALPAA Isua a lo ţang ta mai chu a lâwm hlê thîn a ni.

Binderya-i chuan, “Ka thianten inkhâwmpui atâna min sâwm kha ka lâwm hlê a. Tûnah chuan ka pâ nêh hian midang tam tak inkhâwmpuiah kan sâwm ta thîn a ni. Ka thian dangte chuan min la inkhâwmpui chiah rih lo mah se, engtikah emaw chuan min la zâwm ngêi ang tih ka beisei tlát a ni,” tiin a sawi.

Binderya-i hi hmeichhe naupang kùm 10 mî lék chu a la ni nân, an Sabbath sikulah chuan a ţangkaiin, pui pâ tak a ni tawh a. Engtikah emaw chuan an kòhhran khâipâ tak pawh a la ni ngêi ang.

Tûn kuartar Sabbath 13-na Special Project Fund thenkhat hi, hênglaia thalaite in chher puitlinna tûr (Youth Training Center) dín nân hian a kal dâwn a. Sak zawh a nih húnah chuan Mongolia rama thalaite chu rawngbâwltû leh kòhhran kaihruiatu atân chhèr chhuah niin, Kohhran a lo phuisui bâkah, Isua tâna ram lâk zêlna tûr atân pawh a ţangkai hlê dâwn a ni. Chuta tâna phûr taka thawhlawmte min thàwhpui dâwn avângin lâwmthû kan sawi lâwk a ni e.

Bengvârna Thû

* Mongolia ram mîte hi Buddhist sakhaw rínna vuantûte an ni deuh vék a, an nih lòh chuan sakhaw mûmal nei lo an ni mai. Buddhist hote hian pathian tamtak an nei vê lo nân, Buddha lím chibai bûkin, a hmâah an kûn thîn a ni. Piannawleh ringtû an ni a, chuwang chuan an thih hnûah dinhmun tha zâwk a an lo piân theih nân tiin nun tuâng tha taka nùn an túm hrâm thîn a ni.

* Mongolia rama Adventist-te hi thalai an ni ber a, churang chuan kôhhran hruaitu tling ni tura chhèr puitlin an mamawh hlê a ni. Tûn kuartar Special Project Fund hmanh gian Mongolia ram hmún remchâng lai takah Youth Training Center dín a ni dâwn a ni.

CHAWLHNI 5-NA **February 4, 2012**
NAUPANG THÀ LEH
Japan Kikue

KIKUE-I [kee-KOO-ee] chu hlím takin a nui deuh vèr vèr reng mai. “Ka hlím êm a ni!” a ti thlâwt mai. “Kùm 94 mi ka ni tawh a, mahse naupang ang mai ka ni. Nùn awmzia hi ka manthiam a, a nuâm táwp a ni ber mai!”

Nùn Khawhar

Pi Kikue-i hi Japan ram chhim lam Amami Oshima [ah-MAH-mee OH-shee-mah] thliarkâra chêng a ni a. A nùn hi nùn hlimawm leh nuam tak zawng a ni háuh lo. An nûpa nùn pawh a hlimawm êm êm lova, kùm riat kal taa a pasalin a thihsan chinah pheh chuan mahnî maia khawsâ a ni. A rualpui leh thianten an thihsan deuh vék tawh bawk a, a tû leh fâte lah chu hmún hla takah an khawsa vék bawk sî a. A khuâ pawh a har vê thei hlê a ni.

Pi Kikue-i hian an thlâhtûte thlarau a bè thîn a, an hnênah chuan kùm khat chawlh eng emaw remchângah chutianga hún chu a hmanh vê mai a. Chutianga tih chu sakhuana âi mähin, hnam nùn zè pakhat ang a ni zâwk mäh a. Chutianga tihna chuan nùn hlimna eng mäh a thlén ngai lo.

Okinawa [oh-kee-NAH-wah] lama lehkhabu zuar thian dún hian chulai hmún chu an rawn tlâwh hlâuh mai a. Chûng lehkhabu zuarte chu lo kâwmin, an lehkhabu zâwrh thenkhat chu a lo leisak vê a. Biangbiak nuam tak an nih avângin anmahni hmùh leh hlân hi a nghâkhlel thei hlê a. A sawi dânin, “Min kalsan dâwna thahnemngai taka min tawngtaisakna kha ka theihngihl thei ngai lo,” a ti hial a ni.

Hmangaihna Changin

“Anni khân khawpuaia an biak ina inkhâwmpuia min sâwm fo thîn a. Mahse kei chuan ka hnár zêl a. Dik tak chuan chuta inkhâwmhote chuan min lo lâwm lo vang tih ka ring thîn a, min lo hnár ang tih máwlh chu ka hlâu a ni. Inkhâwm chu ka dùh vê rêng em tih pawh ka inhre chuang lo va, mahse hêng tlangvâl pahnihte hian, ‘Member-te chu an lo hmangaih ang che! Hâwh, i inkhâwmho ang u. An lo hmangaih tûrza che chu a takin rawn hmù vê rêng rêng teh,” an ti a.

Ani chuan, “Chuti chu inkhâwm teh pòh ang u hmiang,” a ti a. Pi Kikue-i chu lehkhabu zuarte nèn chuan an kalho ta a, khawpui lian vak lo hmún laiî taka chhang urna chung chhâwngah an inkhâwm ta a. Ani chuan mîten an lo bengkhawn lovang a, an lo hnár kîr leh mai ang tih chu a la hlâuthâwn deuh reng tho va.

“Chhûngkaw member vâk bo lo hâwng leh ang maiin min lo lâwm a. A tîr phat atangin min hmangaihin min dùhsak a. Hetianga nùn awmzenei min tawntirtu thianta hi ka mamawh rêng a. Tûnah chuan min hmangaih a ni tih ka Chiang a, ka lâwm khawp mai,” tiin a thiltawn chungchâng chu lâwm takin a sawi a ni.

Pi Kikue-i hian Adventist thûrin lam chu engmah hriata ram a nei lo, mahse a tâna chawlhna hmún him chu a thleng ta tih chu a hre Chiang hlê thúng a. Japan mîte zînga thil vâng tak, midangte ngâhsakna leh hmangaihna chu a chhár ta tih a inhre Chiang ta viau mai. Pathian mîte leh a tâna Pathian thil ruâhmàn chu a hmuchhuak ta tih pawh a inhre ta bawk. Tlêm tlêmin Isua chu tunge a nih leh A chanchinte a lo hre tam vê ta deuh deuh a, A hmangaih lêtna pawh a thûk tial tial bawk a. Korean pastor leh a nûpui nèn Bible zirhona an nei thîn a, anni nûpa hi hêng lai kôhhran member-te enkawl leh hûikhâwmtu ber an ni. Níkùm mai khân, kùm 94 mi, Pi Kikue-i

chuan tuipuah baptisma a chang a, Amami Oshima Adventist kòhhranah chuan member thar ber leh upa ber a ni ta a ni.

Ngaihdamna

“Kan nupa nùn hi a hlím lo viau mai a, ka pasal lah hi a rinawm lo hlê mai bawk a. Chutiang ka ngaihtuah châng pheih chuan ka rílrû a nân, mùtmû pawh ka tuah hlei thei lo thín. Mahse Pathian chuan chutiang thínrimna leh lungngaihna chu min phùrhakin, min lâk kiansak ta vék a. Pathianin keimah min ngaihdam avângin kei pawhin ka pasal pawh chu ka ngaidam hmiáh a. Tûnah chuan ka thínlung chhûngah phùrrit engmah nei lovin, lungmuâng takin ka awm a, ka rílrûa lian ta ber zâwk chu, ka pasal kha la damin, kei ang hian Isuâ hmangaihna hi han hriain, han tem vê sela âw tih hi a ni ber mai.”

Tûnah chuan kòhhran leh a member-te chu Pi Kikue-i nùn laipui ber a ni ta mai a. Amah hmangaihtu chhûngkaw member thar a neih tâk avânga lâwm êm êmin, a lâwmthu sawi nân kòhhran hote tân chuan ìnpâwlhona ruâte hi a buatsâih thín a ni.

“Biak ina inkhâwm hian hím hliáh hliáhin ka ìnhre thín a, ka thínlung hi lâwmna leh hlímna a khat liam a, member-te lo lawm leh an in lama tlâwh chhuahte hi nuam ka tihzâwng tak a ni,” tiin a nun ram chungchâng hlím takin a sawi thín.

Amami kòhhran chu an lian lo viau mai rêng a, mahse a thang vê zêl tho. Kùm tam vak lo kal ta kha chuan member 8 emaw lék hi an inkhâwm vê tléng tléng thín kha a ni a. Tûnah erawh chuan member 40 chuâng lai an lo ni vê ta a, tlâwhtu leh chhimpuitute pawh an nei nual thín a ni.

Pi Kikue-i chuan, “Tûnah chuan kùm 95 mi ka lo ni ta a, Amami kòhhran member zîngah chuan a upa ber ka ni, mahse naupang tha leh, la thalai tak niin ka ìnhria a. Chû chu Kristaa nausên mai ka la nih vâng pawh a ni maithei,” tiin nuâm a tih thû a sawi a.

Pi Kikue-i tûnhma nùn leh khawsak dân lo hre thînte chuan a nùn lo danglam ta chu an hmû a, mak pawh an ti hlê mai. Tûnah chuan vânglai hún hmang ang maia zam thâ leh nùn hlím a ni sî a ni. Anî chuan, “Hetiang naupan thathlehna leh nùn hlímna thúrûk chu an hnênah ka hrilh thín a. Chû chu Isua a ni! Ka thiante pawh hi Isuâ chanchin ngaihsak tûrin ka sâwm thín a, mahse sâwmna an pawm dùh lo. An chung a dàwthethi nih ka zír a. Kei ngêi pawh khân Pathian mîte hmû tûrin kùm 20 lai ka zawng a ni,” tiin phûr takin a chanchin a sawi a.

Tûnah hian Japan rama Amami kòhhran lian lo tak inkhâwm mēkna chu, a lâwi lēna remchâng vak lo, upa lam tân pheih chuan kal harsa deuh a ni a, hmún remchâng zâwka insawn zâi an rêl a, chutiang a nih theih húnah chuan, tlâwhtu leh chhimpuitu an pùn bâkah, member pawh an pung chak zual sauh dâwn a ni.

Tûn kuartar Sabbath 13-na Special Project Fund thênkhat hi hmangin, Pathian biakna tûr hmún remchâng leh lâwilên nuam zâwk ngaihtuah a ni dâwn tih hriain, Japan mi tam zâwkin Isuâ hmangaihna an lo hriat theih nân, thawhlawm lama thahnem min ngâihpui tûrin kan insâwm lâwk a ni e.

Bengvârna Thû

- * Japan ram chu khawchhak tâwpa thliârkar hrang hrang awm khâwm a ni a. Khawvêla khawpui lian ber, Tokya pawh hi an ram khawpui a ni. Khawpui changkâng tak niin, inchwâwng sâng pui pui a tam hlê a. Tokya khawpui huâm chhûngah hian mihring maktaduaih 35 vêl lai an chêng a ni.
- * Japan ram mîte hi hnam nùn ngaisâng tak, hmânlai atanga pipûte sakhaw chin than leh khawsak phúng vuân tlat chí an ni a, thlahtûte be chí an ni bawk. Mahse sakhwana la tak viau chu an ni chuang lo. A ram mihring zâ zêla palí emaw lék chu Kristian an la ni a, Adventist chu mihring 8,300 zêla pakhat awm ang chauh kan la ni.

AMAMI Oshima [ah-MAH-mee OH-shee-mah] hi Japan chhìm tâwp ber lama thliarkâr pakhat a ni a. A thliarkâr boruak nuam tak mai leh tuipui vâukam nuam tak hi a lâp phah viau mai. Chutih laiin, kum khâ leh chen chhônga Adventist kòhhran dín túma bèihna erawh beisei angin a hlawh tling mai lêm lo.

Kùm 40 vêl chhông chu a kiang Okinawa thliarkâr lam ațangin lehkhabu zuarten lawngin an rawn tlâwh fô tawh t̄hîn a, Isuâ chanchinte pawh an lo hrilh vê fô bawk. Mahse Japan mî an thusawi bengkhawn dùh an awm méuh lo a ni ber mai.

Lui Ațangin Thútàk

Chutiang chu a ni na chungin, hmeichhe pakhat Kazuko-i [KAH-zoo-koh] chuan lehkhabu zuarte chu a lo lâwmin, an thû leh hlâ a bengkhawn thà riau mai thúng a. Ani hi Kristian chu a ni nân, Bible thû erawh a hre tlêm kher mai thúng a. Han hriat chu a chhâ viau bawk nân, kòhhran hrang hrang a dıng nual tih a hriatin a ngàihna tak pawh a hre sî lo a ni.

Lehkhabu zuar chuan lehkhabu leh magazine hrang hrangte chu a n̄n entîr a. Kazuko-i n̄n a n̄n en vêl chuan a tho hluài a, an lehkhabu dàhna ațang chuan lehkhabu pakhat a rawn thúr chhuak a. A bû chu puâr deuh pép púp, chuâr deuh têng t̄ng, a phêk pawh k̄u nuâm pawh a ni lo hial a. Ani chuan, “Hê lehkhabu hi ka fapain luia lãng nãl nãl hi hm̄in a chhãr a,” a ti a. Ina rawn hãwn a, a tih ro tãk th̄ute pawh a hrilh ta zêl a. “Ka chhiar vê t̄hîn a, a d̄ikin ka r̄ing a s̄in,” t̄in a sawi a.

Lehkhabu zuar chuan a n̄n én vêl a, hl̄im takin a nui var vãr mai a. “Hei hi Adventist lehkhabu a nih h̄i!” a ti a. Chutiang lehkhabu dang chu a n̄n phãwrh a, “*Krista Pãna Kailãwn*” a lo ni a. Kazuko-i chuan Bible zirpui t̄urin a ngên a, a hn̄uah chuan baptisma changin, ch̄u thliarkãra Adventist member hmasa ber a ni ta a ni.

Tháng Tũra Beiin

Kazuko-i chuan an ch̄enna in chu Pathian biak inkhãwm nãn a hawng a, Bible zirpui t̄urin mi tl̄ema zãwng an lo tel vê a. A hn̄u beihpui thlãkna ațangin mi tl̄emin an rawn bêlhchhah zúi a. Eng emaw chãng chãngin, mission pr̄esident-in a rawn tlãwh zãuh zãuh a, mahse m̄umal taka enkawltu pastor an nei s̄i lo, member tharte pawh chuan inkhãwmna lam an hawi lo zúi chu a ni vê leh ta mai s̄i a. Eng emaw chãng chuan mahn̄i chauh ten a inkhãwm t̄hîn a ni.

Enkawlt̄ t̄urin lay pastor pakhat chu rawngbãwlin kum khat a lo thãwk a, a hn̄uah mi dang pakhat pawh kum hn̄ih chhông a lo awm bawk a. Chutih chhông chuan tl̄emin kòhhran chu a lo púng leh hlék a. Inkhãwm nãn chhang ùrna in chung an luah hàwh a, kòhhran ang vê deuh te pawhin an inhria a. Mahse ch̄u lay pastor-in a kalsan leh tãkah chuan, eng emaw chãng chãnga tlãwh zãuh zãuh chauh chuan an vul reng thei s̄i lo. Member pariat-pakuã vêl bãkin an țhang hlei thei lo a ni.

Tichuan, kum 2005 khãn Korea ram ațangin Pastor Lee leh a chhôngte chu, Northern Asia-Pacific Division enkawlt̄ Pioneer Missionary Movement program hn̄uah, Amami Oshima Adventist kòhhran enkawlt̄ tũra kòh an ni ta a ni.

Bultãn Tharna

Pastor Lee leh a chhôngte chuan Japan țawng leh hnam zia zir nãn kum khat emaw chhông an hmang a. Korean hnam zia leh Japan hnam zia chu a inang lo hlê mai tih an hria a. Pastor Lee sawidãn chuan, “Japan m̄ite hi mi inla hrang, t̄hian pãwl nêl ch̄i vak lo, va pãwh mai ch̄i vak lo an ni a; an r̄inna pawh hi midang hrilh lêm lovin, mahn̄in an n̄unpui tawp mai t̄hîn a, Pathian hmangaihna an hriat pawhin, mahn̄ia púm bil mai t̄ur ang ch̄i an ni.”

Kòhhran member-te pawh chuan Pastor Lee leh a chhûngte pawh chu pàwh taka lo biak sèuh sèuh a awm lo. Nù pakhat sawi dân chuan, “Korean mîte hi taimâ leh thàwkrím tak an ni a, midangte pawh anmahni anga taimâ leh thawkrím tûrin an beisei thîn tih kan lo hria a. Chuvang chuan, keimahnî dùhdân rêng ni lova thil eng emaw ti tûra innáwr hi kan ngaithei vak lo thîn a ni,” tih a ni.

Pastor Lee-te nûpa chu a theih dân ang anga member-te pàwh leh kâwmnêl tûrin an lêng chhuak thîn a. Member-te tlàwhchhuah pawh an taima viau rêng a, thian tha tak angin an én vék mai a ni. “Member-te hnênah chuan kan hmangaihkan kan ngainâ a ni tih hriattîr tûrin kan theih dân dânin kan che chhuak thîn a, chutianga chuan Kristâ rawng kan bawl a ni,” tiin Pastor Lee chuan a sawi. “A châng chuan cooking class-te kan huaihawtin, kan nêihpui a, Korean tawngte kan zirtîr bâkah, thuchah puân dante pawh kan zirtîr bawk a. Nî tìn hian member tinte tân kan tawngtaisak ziah bawk thîn a ni,” tiin an rawngbawl dân a sawi bawk.

Eng emawti chinah chuan chutianga an bêihna chuan ràh dùhawm tak a chhuah a. Tûnhma lama member lo ni tawh thénkhat chu an lo kîr leh a, chûng chuan an thianté leh chhûngte chu biak ina program hmanpui tûrin an sâwm vê chhâwng zêl bawk a. Member-te chuan an rínna thû midangte hnêna hrilh leh an chunga hmangaihna lantîr chu thil tih manhlâ tak a nihzia an hre ta zêl a. Chutianga chuan Isua ngilneih leh thatnate chu a takin an lantîr vê ta zêl a ni.

Amami Oshima kòhhrana Pastor Lee-ten rawng an bawl kùm nga chhûng chuan member thar 15 laiin baptisma an chang a, kòhhran chhuahsan tawh member pahni pawhin an rawn thàrhàwh leh bawk a. Tûnah chuan hê kòhhranah hian member 30 vèl awmin, midang baptisma chang tûra inbuatsaih lai pawh an awm nual bawk. Hmun dang nêna khâikhîn râlâh chuan member 15 chu eng tham mähin a lang lo, mahse Japan ram atân chuan ropui tak a tling.

Hmalâkna Thar

Chhang urna chunga an hmun luah hàwhah chuan an la inkhâwm zui zêl a. Tûnah erawh chuan ngaihtuahna thar an nei ta tlat mai. Mi tinte tâna lâwilên nuam zâwk tûr lei chhuat ân tha tak nei a ni. Hê thliarkâra kòhhran dîntu ber, Pi Kazuko-i kha tûnah chuan kokâi rem lovah a che hlei thei tawh lo va, Biak In pâng ngai tak, lâwilên rem zâwkah, member-te nêna inkhâwm theih a nih chuan a lungâwi hlê dân a ni.

Tûn kuartar Thirteenth Sabbath Special Project Fund thenkhat hi Amami Oshima thliarkâra Adventist-te biak in dín nân a kal dân a. Kan zân thahnemngai takin kan thàwh theuh dân nia.

Bengvârna Thû

- * Japan ram hi Kristâ tâna ram lâk khirh ber ram zîngah a tel phâk ngêi ang. An hnam ziâ hrim hrim hian midangte hnêna rínna thû sawi hi a hnualsuat hrim hrim a ni.
- * Northern Asia-Pacific Division chhûnga rawngbâwltu chhûngkuâte hian khawi hmun emawa ramthim bêih leh kòhhran dín tûra kùm khat emaw tal thàwhchhuah hi an thúpui a ni thîn a. Chutianga thàwk tûra tîrh an nihna hmúnah chuan kùm ngâte an va awm chilh a, kòhhran dîng sâ enkawl puitlin emaw, a thár an dín emaw kawngah an hlawhtling hlê thîn a ni.
- * Tûn kuartar Special Project Fund thawhlawm hi khawn a nih húnah chuan Amami Oshima ringtûten an biak ina midangte an sâwm lùh theih nân an pualin biak in dín a ni dân a ni.

CHAWLHNI 7-NA **February 18, 2012**
CHHANDAMTU ZÁWNGIN
Japan **Pan Xiao Ming**

Bus chuân hi ka nìngin, ka dùh lo hlê mai thîn a. Kan chênna China rama bus ka chuân rêng rêng hian ka pum hi a tìnghúlh zêl a, awm nuâm lo deuh hian ka awm thîn a. Thèihtâwpa lei sèh

chungin ka nû ka nghêng a, mahse luâk chhuak a rêh thei sî lo. Ka nû hnênah chuan, “Ka nû, ka awm a nuâm lo ê mai!” ka ti thlâwt a.

Ka nû chuan, “Tuâr hrâm hrâm rawh. In kan thleng têt tawh a nia,” tiin min lo hnêm a.

Mikhual Tawngtaina

Hmêlhriat lòn nû pakhat hian ka nû hnênah hian, “Lo ngâwi lâwk teh. I fanû hi a awm a nuâm lo riau vin ka hria a. Ka tawngtaisalak thei a ngem?” tiin a zâwt a.

Ka nû chuan chû nû leh kei chu min mêlh tawn ta sék a. “Aw le, i tawngtai thei e,” a ti ta a.

Khami hmâ kha chuan tû mahin min la tawngtaisalak ngai rêng rêng lo va. Tawngtai awmzia pawh ka la hre ngai lo. Chû nû âw chu a ngaihnaawmin, rîlrû a tithlamuâng hlê mai a. Ka nû leh kei chu min rawn hnâih tûrin a lo kûn hnâi a, a mît chhîngin kan mîta kan hmùh theih lòn chu a be ta mawlh mawlh ni berin ka hria. “Ka pâ, hê hmeichhê naupang tê hi i hmangaih a, a awm nuâm lo hmêl hmùh hi Nang pawhin nuâm i ti lo vang. Awm nuâm zâwka a lo awm leh thèihna tûrin khawngaih takin tanpuî ang che. LALPA i chungah kan lâwm e,” tiin a tawngtai a.

Chutiang thû a chham lai chu kei chuan ka lo én reng a, mahse tunge a biak ka hmù thei hauh sî lo, mak tiin a ngaihna tak pawh ka hre lo hlê mai. Ka nû nêh chuan an inbe zui luâm a. Chutih chhûng chuan ka pùm lama buaina chu a lo rêh ta vék mai tih ka hre ta a ni.

Zàk angreng tak chungin, “Ka nû, ka pùm a dam tawh,” tiin a rûkin ka hrilh sâ sâ a.

Ka nû chuan mi’ n én a, chutah chû nû chu a’ n mêlh leh a. A hnênah chuan, “Kan lâwm e,” tiin lâwmthû a sawi a.

Chû nû pawh chuan, “Kei pawh ka lâwm e,” tih pah chuan a lo núi var vár a. “In nû-fâ khân kan ìnhâwmna min rawn hmánpuî vê ta che u, tûn Sabbath nî hian kan ìnhâwm dâwn a? Tichuan nangmahnî hmangaihtu leh in thîana tan dùh Pathian chanchinte pawh in zìr bèlh zêl thei dâwn nia,” tiin a sâwm nghâl a.

Ka nû chuan mìn han mêlh leh a. Ka hmêlah chuan natuâr hmêl ni tawh lovin, dam leh hlím hmêl a lo êng chhuak tawh tih a hmû a. “Nî e, a tha khawp ang chû!” tiin a chhâng a.

Kristian Sakhaw Hmêlhriat Tanna

Sabbath ni zîngah hcuan ka nû nêh, kan in aţanga hlá lútùk lo, biak in mâwlmang vê tak lam chu kan pan dún a. Kan thian tharte chuan hlím takin min lo lâwm a, ìnhâwm chhûng chuan kan bulah hlîr an thû a. Kei chu ka zakzùm deuh a, mahse chuti chung chuan hlím taka an zâi chu nuâm ka lo ti vê hlê tho a ni.

Ka nû chu kêr tìn pèlh lovin a ìnhâwm vê ta zêl a, kei erawh chu Sabbath nîa sikul kal a ngaih avângin ka ìnhâwm thei vê lo thîn a. Tleirâwl ka lo ni chho vê ta a, ìnhâwm âi chuan thianta nêna inkawm ho mai mai chu ka thlâhlel zâwk a.

Secondary zîrna ka zo va, tichuan Japan rama business lam zìr tûrin dîlna ka thehlût a. Japan tawnga min test-na pawh tha takin ka pass a, mahse Japan tawnga lehkha zìr méuh chu harsâ ka ti vê khawp mai.

Pathian Vânga Kháwharna

China ram, ka chhûngte leh ka thianta—bâkah ka thíl kalsan tâk zawngte kha ka ngai thei hlê mai thîn a. Chutianga khawhar taka ka awm lai chuan, ka naupan laite ka ngaihtuah neuh neuh a, ka nû nêna hlím taka kan ìnhâwm dún lai hunte kha rîlrûah Chiang takin a lo lang uâr uâr a. Khatih laia kan zir Bible thawnthú then thente chu a lo lang tel bawk a. Khatih laia kòhhran mîte hmangaihna leh an zînga khawsak nuâm kan tihate kha ka chang thar leh thîn a ni. Internet lamah Tokyo lama Adventist kòhhran chanchin ka en vèl a.

University kiang deuh lawkah chuan Adventist Biak In a lo awm reng mai a. Ka beisei lòn tak maiin, Chinese Adventist-te ìnhâwmna a lo ni lehngâl! Chû kòhhran chu phone-in, pastor nêh kan inbia a. A tawngkam ngilnei tak chuan ka khawharna pawh min hnêm hlê mai. Pastor

chuan, “Min rawn be hláuh chu i ti lâwmawm hlê mai! Tûn Sabbath-ah hian lo lêng ta che. Mi tlêm tê chauh kan ni a, i lo lên hlân kan lo nghâkhlel hlê ang!” a ti a.

Biak In chu ka zawng hmù nghâl thuai a, min lo lâwm thiam hlê mai lehngghâl! Pathian fakna hlâte sâin, Pathian thu zirhonate kan nei a, ka naupang lai min hriatchhuahtîr a, lung hluite pawh a lêng hlê mai. Chuta mîte chu hmêlhriatin, ka thiante an ni vék mai.

Bible leh Sabbath Sikul zirlaite ka zír a, kâr lòhah Isua hi a lo kal leh thuai dâwn tihte ka hre vê ta zêl a. Pastor hnênah chuan baptisma chang tûra min buatsaih leh min chàntîr tûrin ka ngên a. Tokyo khawpuia Chinese mi Adventist member hmasa ber ka ni tih mìn han hrilh lâwmawm zia chu in manthiam vê mai ang chu mâw!

Ka thinsungah chuan *Mi dangte pawh ka hrilh chhâwnng vê zêl ang* tihna hi a liân hlê mai a. *Mahse enge ka tih vê theih ang?* Business ka zirlai chu ka tuipui ta vak lo va, theology lam hi rilrûah a lian ta riau mai zâwk a. Chutiang rilrû ka pùt thû ka nû hnêna ka hrilh chuan, anî pawh a hlím hlê mai. Mahse ka pâ vê thúng chu Kristian a ni sî lova, a thìn ka tîrim ang tih hlâuvín, ka hrilh vê mai ngam lo.

Rinna Kawngah Pên Khàt Tê Têin

Business ka zir chu zovin, tûnah chuan theology ka zír leh ta thúng a. Mihring lam taka business âi chuan Pathian business lam thawh zui chu rilrûah a tlà na zâwk a. Chinese zirlaite hnênah chuan ka theih anga tam Pathian thû hrilhin, ka hmanhlel hlê mai thìn a. Ram danga lehkha zira awm tîrh khawhar lai taka, a chhânna chu Isua a ni tih hi ka manthiam hlê a ni.

Isuâ hnên ka thlen theihna tûr hian nangnî pawhin thíl min tihsak in nei vê a ni tih hi ka hrilh duh che u a. Tokyo khawpuia Chinese Adventist kôhhran pahnih lian lo tak hian, hún eng emaw chen kal tâah khân in thawhlawm thawh kha a lo dawng tawh a, chumi zârah chuan tûnah kei hi a rahchhuah chu ka lo ni ta a ni! Chuvang chuan in zâa chungah lâwmthu ka sawi a. Phal taka thawhlawm in thàwh thín hian ràh dùhawm tak a chhuah zêl a nî!

Bengvârna Thû

- * China ramah hian mihring tlûklehdingâwn 1.4 dâwn an chêng a, chû chu khawvêl mihring hmún lía thena hmún khat zêl ang a ni. China ram hi khawvêla mihring tam berna ram a ni a. Chinese mi 400,000 chuâng deuh hi Adventist niin, chû chu an ram mihring 3,400 zêla Adventist pakhat awm ang vêl chauh a ni.
- * China ram sakhaw lian deuh deuhthe chu Confusianism, Daoism leh Buddhism te niin, a ram mihring hian a khawi ber emaw chu an zawm deuh ngêi thîn. Kùm 1949 khân Komünis sorkar chuan chûng sakhaw pâwl zawng zawng chu a khap vék a ni.
- * China ramah hian Kristian tlêm tê an awm a, chûng zînga tam tak chu Komünis rorêl lai khân an rinna avânga tântîr emaw hnathâwka ràwih lùih emaw an ni.

**CHAWLHNI 8-NA
PATHIÂN KÛT**

China

February 25, 2012

Yan Jin

Yan Jin-i chu biak inah lûtín, ìnkhâwm òan hmâ chuan lû kûnin a òawngtai a. A nùnah pawh hrehawmna leh rokhawlhna êm êm a nei lo. A nû leh pàte hi Korean leh Chinese niin, China ram hmâr lamah an chêng a, Pathian hmangaih leh òih chhûngkua an ni. Hmâi hnàwih lam chungchâng hi zírín, a ngainàt tak hnâ a thawk thei dâwn a. Chutiang bâk duhthu han sâim tûr chuâng enge a neih ang?

Nùn Khawih Danglam Thei Sermon

Chumi nî chuan Korea ram aţanga lo kal, Pu Kim-a chu thúsawitu bîk tak a tâna ràwih niin, China rama phâr nàtna veite lainàtawmzia chungchâng a sawi a. Yan Jin-i chuan thusawi chu chîk takin a lo ngaithla rân mai a, chutiang nàtna vei tam tak chu an chhûngten kâi vê an hlâuh

avânga an ngaihsak zui lòn thù a sawi chuan a rîlrû a hnèh hlê mai a. An chènna tûra sorkarin a pêkah chuan khawhar takin an awm a, tûmâ ngaihsak pawh an hlàwh lo. Hmun thenkhatah phei chuan electric leh tui pawh mûmalin an nei lo.

Pu Kim-a chuan a sawi khawngaihthlâk thiam bawk a, Yan Jin-i chu a hnèh hlê mai a, chutiang vântlâng ensan khawngaihthlâk takte dinhmun chu a lainat hlê a ni.

Pu Kim-a chuan Chinese ÷awng pawh a thiâm sî lo va, mahse China rama phâr nàtna veite chu a hmangaih hlê sî a, an zîngah chêngin an rawngte a bâwlsak a ni sî a. Kei pawh Pathianin thîl nasa tak min tihsak tawh a, hêng A fâte tân hian thîl eng emaw chu ka tihsak vê a ngai a ni tiin Yan Jin-i chuan a ngaihtuah a.

Inkhâwm bân hnû chuan Yan Jin-i chuan Pu Kim-a chu títûpuiin, a thàwhsak phâr hri veitu mamawh leh tlâkchham chungchângte chu an sawi dún a. A thîlungah Pu Kim-a chu thawhpui tûrin Pathianin A dùh a ni ang tih rínna nghèt tak a nei ta a. A rîlrûah chuan *Pu Kim-a hian ÷awng lehlinsaktu a mamawh a, thîl dangah pui thei lo mah ilang, ÷awng tal chu ka lehlinsak thei ang tiin a ngaihtuah a.*

Chutiang rîlrû a pùt thù chu Yan Jin-i chuan a chhûngte hnênah a hrîlh a. “Hún eng emawti chhûng chu Pu Kim-a thàwhpui a, a ÷awng letling tûr hian Pathianin min ko niin ka hria,” tiin a sawi a. A nû leh pàte pawh chuan rem an tîhpui a. Chutianga mamawh leh ÷anpui ngaite chhawm dâwl hnâ thawh chu zîrlai ÷ha tak, mîte rawngbâwlsaktu nihna a ni dâwn a ni. Mahse tûten emaw Yan Jin-i thîl tùm chu an lo hriatin, phâr hrî a kêi vê ang tih máwlh an lo hlâuhpui a. “Kal sùh, i hmalam kâwl a êng ÷ha sî a,” tiin an ngên a.

Khawvêl Beiseibo Tâna Beiseina

Mahse Yan Jin-i chu a kal ta tho va. Phâr awmna thingtlâng khuâ a lo thlèn chuan, an dinhmun châu tak a hmùhin, râpthlâk a ti hlê mai. Khami hmâ zawng kha chuan phâr tih hi a hmíng chauh a lo hria a ni.

Pu Kim-a chu zuiin, pindan hrang hrangah a zui kual zêl a, an hmêlte chu phâr hrîin a ei chhiat nasat tawh avângin hmùh hrehawm tak takte an ni a, luak pawh a chhuak duh hlê a, a insûm ÷âng ÷âng a. Chûng phâr hri veite chu hrî chuan an taksa pêng khawi lai lai emawte chu a lo ei hêk hiâm huâm tawh a, hmuh an hrehawm êm avângin chhuahsan lehngghâl tak a nâp a. Mahse Pu Kim-a chuan a enkawl kual ta zêl a, engmah khàwih hrèh leh sèrh pawh a nei chuâng lo. Yan Jin-i tân pawh han kalsan leh mai chu thîl theih a ni ta bîk lo.

Hmeichhe pakhat chuan Yan Jin-i chu a lo ban a. *Hêng mîte hian fû-kê kìm chu an nei tawh lo a ni maithei e, mahse rîlrû leh thîlung chu kei ang tho hian an nei vê sî a ni tiin Yan Jin-i chuan a ngaihtuah zui a. Pathian fâte an nih angin ka theihtâwpin ka enkawl zâwk tûr a ni tiin a rîlrû a siam ta zâwk a.*

Hmangaih Rawngbâwlina

Hêng mîte taksa phâr hrikin a ei chhiat tawhte enkawl dân chu Pu Kim-a chuan Yan Jin-i hnênah chuan zirtîrin, a kâwhhmùh a. An pahnih chuan thawktu thar dangte tîhdân kawhhmùhin an zirtîr chhâwng zêl a. ÷henkhat chu kùm khat emaw zét inbial tawh lote an ni hlawm a. Chûng mi inpête chuan inbualtîr dânte zirtîrin, hmangaih takin thawmhnaw hâkte an thlâksak a.

Chutiang an tih pàh chuan an rínna thûte pawh an hrîlh pah zêl a. An hriat tûrin Bible-te an chhiarsak bawk a, achâng leh hlâte saksakin, Isuâ hmangaihna thûte an hrîlh bawk a. “Pathian thù hriatna lamah an tuihâl vê hlê a ni,” tiin Yan Jin-i chuan a sawi.

Phâr enkawlina hmúna mi tam tak chuan an thîlungte Pathian hnênah an hlân a, Adventist kòhhran chhûngkua chu an rawm zawm a ni.

Yan Jin-in Pu Kim-a hnâ a thàwh ÷anpui a ÷anga kùm 4-ah hian, China ram khawchhak lama phâr tâna rawngbâwlto inpê chu mi 55 emaw lai an tling ta.

Enkawlna

Yan Jin-i chuan mîte hlauhthâwnpui ang phâr nàtna chu a la kâi háuh lo va, mahse Pathian hmangaihna chu khâhliâmpuiin, China rama ngaihsak hlauh lote enkawl tûra veinain a luâng liam a ni ber zâwk.

Amâ sawi dân tak phei chuan, “Ka damchhông hún hi hetiang rawngbâwl nân hian hmang zo thei hial ila ka dùh a ni. Hmâihnâwih lam zirnaa mithiam nih ka tùm kha chu ka bânsan hmiah tawh a. Hmâi hnâwih tih vêl vânga mâwina mai âi chuan ãnpui ngaite ãnpuina hmanga ìnchei hi a mâwi dân a rîl daih zâwk a ni,” tih a ni.

“Hei hi Pathian hnâ a ni a, hetiang ti tûra kei min ko hi ka lâwmin, ka ìnchhuâng hlê zâwk a ni. Hêng mi duhawm tak takte Pathianin A ãnpui theihna tûr kûta ka lo ãng thei pawh hi ka lâwm,” tiin Yan Jin-i chuan a ìnchhîr lôhzia a sawi.

Kan thawhlawm thawh thînte hi mi tìn mi tang tâna rawngbâwlna tûr niin, chutiang chu China rama a kal dân tûr pawh a ni dâwn a. China rama mi maktaduaih têlte hian Pathian hmangaihna thuchah an la hre ngai lo va, hrîlh an ngai a ni. Hawh u, hnâ chu chak taka kalpui a nih zêl theih nân thawhlawm lama kan thahnemngaihna hi i bânsan rih mai lo teh ang u.

Bengvârna Thû

* China ram Kristiante hi mimir kâihruai an ni hlawm a. Kôhhran lian deuh zâwkte chuan enkawltu tûr pastor-te chu an nei hlawm a, chûngte chuan member sâng rual teh meuh an châwm thîn. Chutiang kôhhran hmúnpu deuh a ãng chuan a hmei a pâ, mi thahnemngaite chu hmún danga mîte hnêna chanchin tha quang tûrin an feh chhuak vê thúng a. Kôhhran tharte va dínin, a tîra an awmna kôhhran pêng an lo ni ta thîn a. Chutiang chuan Pastor pakhat enkawl kôhhran hnuaiah hian pêng dang 200 laite an awm leh chhâwng a. Chûng kôhhrante chu mimir thahnemngai, Global Mission pioneerten an enkawl ber a ni.

* China rama mipuite hian an tâna Kristâ ìnhlanna chanchin thâ an hriat huna lâwm taka an chhân theih nân lo ãwngtaisak thîn ang che u.

CHAWLHNI 9-NA

March 3, 2012

BEISEINA PATHIAN TAWNGIN

China

Feifei

[Mahni chanchin sawi anga sawi tûrin tlangvâl fel tak ruat ni se]

Ka nû chu chhîpa kùt sùih chungin lungchhê takin a ãp zâwih zâwih a. A mît hnuaia lama val dùm deuh kâlh chuan zan lamah pawh a mú thâ lo hlê a ni tih a entîr a. China ram hmâr lama a sumdâwn vêna chu a tlachhia a, sum an neih tâk lôh avângin a leibâ pawh a rûl thei dâwn lo tih a Chiang a. Kan chhôngkua chuan buaina namên lo kan tâwk tih chu a chiâng mai.

Kan thenawmte pawhin ka nû lungngai hmêl chu an hmû a, an theih ang angin an ãwng thlamuân a. An ìnhâwmnaa ìnhâwmpui atân an sâwm ta nghê nghê a.

Ka nûin Kristian biak inah a ìnhâwm dâwn tih min hrîlh chuan, eng rîlrû lo pùt vê tûr nge pawh ka hre thiam chiah lo. Sakhuana emaw, rîna emaw Pathian chungchâng emaw pawh, a enga mah chu hriata ram pawh ka nei lo. Mahse a mita beiseina zungzâm a nêih tâk chuan hei hi thîl pawimawh tak a ni ang tih a entîr mai a. Chuvâng chuan kei pawh chuan ka ìnhâwmpui vê ta zâwk a.

Beidawna avânga ka nû kôkî lo chiâm deuh bûi tawh anga lang pawh chu Pathian a rîna zârah a lo zîâawm chho leh ta nghâl deuh mai a. Kùm hnih hnûah chuan kei pawhin ka nû hniakhnúng zúin beiseina Pathian lam hawi tûrin dùhthlanna ka siâm vê ta a ni.

Sikul Lama Chonate

China ramah chuan a tlangpui thûin exam tûra ìnbuatsâihna leh examte hi Sabbath nî hian an nei thîn a. Pathian chuan ka thînlungah hnâ thâwkin, A dânte chu châwisâng leh zâh tûrin min tî a. Mahse chutiang zú tûra thútûkna siam chu thîl áwl-âi tak zawng a ni hauh lo mai. Kan zirtirtute leh ka pâwlpuite pawhin kâr tina ni khat sikul ka kal lôh chu an ngaitiam dâwn lo tih a Chiang sâ mai.

Nasa taka ɽawngɽaina nê, ka rîna thû chu kan zirtirtute hnênah ka sawifiah a, Sabbath nî a kal lòh min phalsak ɽhîn tûrin dîlna ka siam nghâl bawk a. Kan zirtirtu chuak chîk takin a ngaihtuah vang vang a, chutah ka grade a ɽat zui chhûng chu Sabbath nîa kal lòh chu rem min tihsak thei ang tih min hrilh ta a. Thilung takin ka lâwm a, Pathianin hnâ min thàwhsak tih ka Chiang rilrù hlê mai!

Zirtirtu dangte erawh chuan extra class lâk tam tùm tûrin min nâwr thúng a. Sorkar buatsaih examna lama ka tihɽhât lòh chuan sikul leh zirtirtute ka tihmingchhe dâwn a ni tihtein min vaulâwk a. Mahse Pathian malsâwmsakna zârah, Sabbath ka sêh chinah chuan ka grade pawh chu a ɽa chho tial tial a.

Eng emaw châng chuan Sabbath nî pawhin class ka kal vê mai dâwn em niang âw han tih deuh ram ram chângte ka nei ɽhîn a. Mahse chutiangah chuan rinawm taka awm tûrin ka nûin min lo fûih zêl ɽhîn a, chutiang chuan Pathianin mal min sâwm zêl dâwn a ni. Church pastor leh member dangte pawhin min thlâwp ɽa hlê a, an mi fûihna avâng chuan ka rîna pawh a chak tial tial zêl a.

Isuaa Chànɽhâtna

Exam lo thlen dâwn apiang hian Pathian hnênah ɽawngɽaiin, Amah châwimâwi a, ɽa taka ti thei tûrin ka dîl ɽhîn a. Sabbath nîa exam chhîna an neihah rêng rêng pawh ka tel ngai lo. Ka grade pawh a ɽa zui viau zêl a, chuang chuan kan zirtirtu pawhin Sabbath chawlh chu min phalsak zui ta zêl a.

Sorkar buatsaih exam a lo hnâih chuan, taima taka zîrin, Pathian malsâwmna pawh ka dîl bawk a. Examna tûr nîah chuan examna tûr pindanah lûtin, exam chu ka ziaa a. Ka bêihna chu mal min sâwmsak tûrin Pathian hnênah ka ɽawngɽai a. Kan exam chu a áwlsam lo viau mai a, mahse Pathianin min awmpui tih hriatna ka nei thúng a. Tichuan result puân hún chu kan nghâk ta a ni.

Kan result-te târchhuah a nih chuan, zirlai 800 zîngah a tiɽha zuâl 10 zîngah ka tel tih ka hre ta a. Kan zirtirtu, Sabbath nîa chawlh min phalsak ɽhîntu pawh kha a lâwm vê hlê mai a, kei pawh ka lâwm hlê mai. Pathian chuan A thiltihtheihzia chu ka chungah A lantîr tih a Chiang hlê!

High sikul kan chhuahsan hún tûr a lo hnâih chuan, university (graduation) course lamah eng lam nge kan lâk zui ang tih hian rilrù a luah khat hlê ɽhîn a. Chutiangah chuan kan pastor chu thurâwn lâk nân ka hmang a. Anî chuan, “Kòhhran hian doctor inpezo tak a mamawh khawp mai,” tiin min chhâng a.

Engtín Nge Hmalam Hún?

Doctor nih lam hi ka lo la ngaihtuah chhín ngai lòh avangin a mì chhâna chu ka buaipui ta riâu mai a. Mì zàkzùm tak ka nih avângin eng emaw châng chuan chona hmachhâwnte hi ka hlâu deuh ɽhîn a. Maths leh Science lamah chuan ka ɽa vê thàwhkhat chuan ka inhria a, chûng chu Doctor lam zîrna tûr atân chuan thil tûl tak pawh a ni. Mahse doctor lam chu ka tuina tak leh theihna lam tûr a ni em tih ka Chiang thei mai lo. Pathian hnênah ɽawngɽaiin, “LALPA, hei hi chu Nangmâ kùt a ni e,” tiin A kùtah ka ìndâh táwp mai a ni.

Pathian chuan ka thilungah ngaihmuâng siaha awm theihna min pê a, chuang chuan doctor zîr tûrin min dùhsak niin ka ngai a. Damdâwi lam zîr tûr chuan ka inziak lût vê a, ka tih chî tak tûr nî te pawhin ka hre vê ta zêl a. Ka zir tâwpna tûr kùm a lo thlên chuan, chû university chuan an hospital chhûnga ìntership ti tûrin min sâwm a, chutiang chu châwimâwina sâng tak niin, mì tam tak pawh an sâwm ngai lo. Chû pawh chu ka tâna Pathian remruat a ni angem tiin ka ngaihtuah a, chutiang ka thàwh chuan kòhhrana Pathfinder ka enkawl lai kha ka thawk thei dâwn lo ani.

Mahse Pathianin rilru ngaihmuâng takin min awmtîr sî a, ka nùn hi min kaihrui zêl a ni tih hriain ka lâwm hlê a ni. Pathian chu Beiseina Pathian, Amah zàh leh châwimâwitute hnêna malsâwmna vûr châk tak a ni tih ka hre Chiang deuh deuh a ni.

Midangte pawh hian Isua'n a hmangaih a ni tih hi hre vê sê ka duhsak a. Tûn kuartar Thirteenth Sabbath Special Project Fund hian khawvêl púm puia Chinese ɽawng hmangte tân beiseina chanchin ɽa thehdarhna a tùm dâwn tih ka hriatin ka lâwm hlê a ni. Hemi zârah hian kei pawhin beiseina ka lo chhar tawh a sî a. Thawhlawm hmanga Isua hmangaihna in lantîr avângin lâwmthû kan sawi mawlh máwln a ni e.

Bengvârna Thû

- China rama Chinese ɽawng hmang tlûklehdîngâwn bâkah, khawvêl hmún hrang hrang maktaduaih têt an awm a. United States chhûngah pawh hian Chinese ɽawng hi ɽawng lâp palîna a ni hial mai.

- Tùn kuartar Chawlhni 13-na Special Project Fund hmang hian, Chinese ƣawng hmang khawvêl pum puia mîte en theih tûrin video siama, TV leh Interneta tihchhuah a ni dâwn a. Chutiang chuan khawvêl hmún tîna Chinese-te chuan Isuâ hmangaihna thû hi an lo hre thei dâwn a ni.

CHAWLHNI 10-NA **March 10, 2012**
NGAIHDAMNA THILTÏHTHËIHZIA
 China Lin

ƣi Lin-i chuan kùt kuângkuàhin a pasal chu a lo thlîr vang vang a. A thinlung chhûnga thìnrimna inùp lo puak kèh avângin hetiang tak hian an inhâu ta a. Lin-i hi China ram ukil a ni bawk a, ðik nia an hriat tawhah chuan thèihtâwpa ƣang mî a ni a, chutiang chu chhûngkaw thílah pawh a lo lang ta zêl a ni. An nùnpnúng hrím hrím pawh thiltihtheihna, chàkna, a fawng vuantu zâwka ƣan tih vêl hi a ni ber mai.

Mahse amâ duhdân anga a pasal inhmangaihƣir tûr zâwngah chuan chàkna rêng a nei lo. A rilrû tê tê chuan *Hmangaihna tel lo chuan hêng hlawhtlinna, thiltihtheihna leh sum leh pâite hi engtihna nge maw ni chuâng ang le âw?* a ti vang vang ƣhîn a ni.

Chan Chhè Zâwk

Lin-ite innèihna chu nûpa-inthennain a tâwp a, mahse a pasal chung a thìnrimna chu a zual ta zâwk màh a. *Kan nûpa kan inthen chhan chu amah vâng vék a ni. Ka nùn pawh min tihchhiat sak vek a lâwm! Ka va háw tak êm!* tiin a ngaihtuah a. Mahse a rilrû chhûng ril takah chuan amâ thìnrim leh ngiat ngàh lútùk vânga chutiang an nûpa kâr buaina chu lo thleng a ni zâwk tih hriatna chu a nei tho.

Lin-i chuan an chènna hmún rêh tak mai lam chu a pan a. A pasal a awm tawh sî lo, a fapa lah a sikul lùhna lamah a awm dáih bawk sî. Mal leh khawhar ngàwih ngáwihin a inhria a. Mahse chutiangah pawh chuan a thìnrimna zâwk chu a lo ðingchang leh ƣhîn a. Châu takin chairah a ƣhû hnáwk a.

Bultan Tharna

Ni khat chu a ƣhian pakhat hian Lin-i chu lêngah a sâwm a. Lin-i hian chutiang sâwmna chu a pawm zén zén lo viau ƣhîn a, mahse office kalsan a, rilrû engthâwl taka awm a mamawh sî a ni. Chuvang chuan an sâwmna lamah chuan a kal ta a. A boruak va tàwn chu a muânawmin, a nuam riau mai a, an inchhûng leh office lam boruak nèn chuan danglam tak a ni. ƣhalai dùhawm tak takte chuan lo lâwmin, ƣha takin an lo dawngsawng a, tih tak taka lo lâwm nîte pawhin a hria a. *Hêng mîte hi an va danglam ve maw le. Hàwihhâwmna satliah lekfang em ni dâwn le? Hei min ngainain, min ngaihven ƣhà hlê mai sî a. Hetiang taka an danglam bikna chhan hi enge maw ni dâwn le âw?* tiin a ngaihtuah zui neuh neuh a.

Lin-i chuan an títihonate chu zâwm vê zêlin, nuam pawh a ti kher mai. An zînga pakhatin kâr leh Zirtâwp zâna Adventist Biak In te tak têa inkhâwm tûra a'n sâwm pawh chuan, rem a ti vê nghâl mai a ni.

Tichuan chû hún a lo thleng chuan khawpui lûn lai tak piah lam deuha biak in lian lo tak, in chhâwng nhiehnaa mi chu a va hmû a. Hlím taka lo dawngsawnga, an lo ngâihsakna boruak chuan a awm a tinuâm leh ta viau mai a. Inkhâwmna ƣan a nih chuan, ƣhalai hote chu hlím leh phûr takin an zâi a. Lin-i chuan chûng hlâte chu a sa thiam vê lêm lo nâin, a hlathûte chu thuchah ropui tak a ni tih chu a manthiam vê zêl a. Chutah pastor valai tak hian phûr leh ƣhahnemngai tak maiin thû a sawi ta a ni.

Lin-i chuan chutiang thuchah chu tûnhmâin hriat pawh a la hre ngai lo. A taksa lama thìnrimna leh khâwngna ang chîte chu a hriat lòh hlânin a lo bo deuh ta duâk mai a, hahdam sawng sawngin a inhria a. Midangte chung a khawsak leh a én ƣhín dânte chu a hre chhuak uâr

uâr a, chutih ruâl chuan a hnâ lam avanga chàpo-uâna lam a lo lang bawk a. Mahse a'n ngaihlhâk zêl chuan khawvêlah hian thîl hriat lòh a lo va la ngàh êm tiin a ngaihtuah leh ta zâwk a. Zîr tûr leh hriat tûr a lo la ngàh hlê mai a, chuta thîl dùhawm ber chu zîrtîr theih tûr rilrû a pû hi a thàtna a ni.

Pathian Thîltihtheihna Changin

A kêr lehah pawh chuan Lin-i chu a rawn inkhâwm leh a, chuta chín chu a tûk Sabbath nî pawh pêlh lovin a inkhâwm vê ta zêl a. Ram rorêlna hmúna a chan phâk ngai lòh thîltihtheihna chu biak in chhûngah hian chang tlátin a inhre thîn a. Inkhinna hmúna dingchang zâwk nih ang lam kha a ni vê lo—hmangaihna thîltihtheihna—ngâihdamna chu a ni zâwk. Midangte chu a ngaidam tûr a ni tih chu a rilrûah a liân ta hlê mai a, chû âi màh chuan Pathian ngâihdamna chu a mamawh ber a ni tih pawh a hre chiang ta hlê bawk.

Hún eng emawti chhûng chu *huatna* hian a thînlunga ro a lo rêl tawh thîn a. Mahse Pathiam lam hawi zâwnga pên khat lék pawh a'n pênna zârah lungmuâna, zângkhâina leh hlimna chu a chang nghâl mai sí a. Isuâ hnênah ngâihdam a dîl a, Ani pawh chuan A lo ngaidam vê nghâl mai rêng a. Chutah mahnî pawh a inngâihdam a, a pasal pawh chu a ngâihdam a ngai tih hriain, an nûpa kêra buaina thlentu thînrímna leh huatna tihbo chu tihmâkmàwh a ni. Chutiang dîla a'n tawngtâi chuan a lungphû chu a lo muâng ta sáwt sáwt a, a thâwte pawh a lo dam siâi siâi a.

Lin-i chuan a nûna danglamna lo thleng ta chu mak a ti hlê mai a, chutiang chu midangte pawh an lo hmùh hmàih bîk hauh lo mai. Dàwhtheihna a tlâkchhamna thín angah khân, Pathianin thînlung muâna a pê a, a thînrímna âiah hlimna pêk a ni ta bawk a. Chutiang a nih tâk chungchâng mîten an zàwh chuan, “Isua nêh kan ìntawng a. Biak Inah lo inkhâwm vê ula, in hmù vê mai ang!” tiin a chhâng mai thîn a ni.

Pathian Ngâihdamna Semdârhin

Lin-i chuan a thianta leh a fapa bâkah, a laichîn hnâi dangte pawh Zirtâwp zân inkhâwm tûrin a sâwm a. Tûnah hian a fapa chu ina a lo hâwn châng chuan taima takin a inkhâwm ziah thîn a ni.

Lin-i chu baptisma chang tûrin a ìnuatsâih a. A thînlunga Pathian hmangaihna leh ngâihdamna thîltihtheihzia a hriatin mîttui a sêng hnem hlê mai. Chû thîl hmùhchhuahna chuan damna leh hlimna a rawn thlen a ni.

Lin-i chuan a vei ber pakhat chu, mîte hnênah sum leh pai leh thîltihtheihna hi hlimna hnâr a ni lo va, inkhîn leh thú inchùha dingchang zâwk, dik zâwk nihna mai pawh hi a ni chuang lo, hlimna chu Pathian aţanga chhuak thilthlâwnpêk a ni tih hi a ni. A pasal leh a ukil puite hnêna Pathian hmangaihna leh ngâihdamna thîltihtheihzia hriattîr vê máwlh hi a thîl vei a ni a, chutiang chuan anî chàh ang lungmuâna chu an chang vê thei dâwn a ni. Amâ sawi dânin, “Ka dîl ber chu keimâ nûna mîte Pathian ána zîá an hmùh theihna tûr leh, ka thînlúng chu Isuâ thînlung nêh ka thlâkthleng tawh,” tih hi a ni.

Kan thawhlawmte hmangin China ramah kòhhrante dín a, biak ìnte sak zêl a ni dâwn a. Mîten Pathian ngâihdamna leh Isuaa beiseina chu an hmùh thàr vê zêl theih nân kan thàwhlawmte phal takin i pe zui zêl ang u.

Bengvârna Thû

- Chinese (Mandarin) tawng hmang hi mi tlùklehdingâwn khat chuang fê an ni. Chûng mîte chu China leh Taiwan ramah an chêng ber a, mahse khawvêl hmún dang: Indonessia, Malaysia leh USA-a chêng pawh maktaduaih têl tehmeuh an tling tho bawk.
- Tûn kuartar Special Project Fund thenkhat hi Chinese tawnga TV leh Internet hmanga Pathian thu puânchhuahna program buatsâih nân a kal dâwn a. Chutiang chuan khawvêl púm puia Chinese tawng hmangte chuan TV program leh Internet kaltlangin Pathian thû an lo hre thei tawh dâwn a ni.

CHAWLHNI II-NA

March 17, 2012

KAWNGTE HÁWNG RÀWH

Korea

Vladimir

SABBATH tûk hmâ takah multipurpose room lùhna kawngkâte chu hàwna ni a, mahse mît hian an lo nghâk thuâp hman zêl thîn a ni. Hêng mîte hi khawvêl hmun hrang hrang ațanga lo kalte niin, Pathian chibaibûkna hlimawm tak hi thlâhlela lo kal an ni hlawm a. Korea ram Seoul khawpui lailî taka awm Adventist biak inah chuan, hnam chitîn chì tangte hi an leng vék a ni.

Hêng zingah hian Korean mîte chu member tlêm leh tlâwhtu tlêm chauh an awm a, a mi tam zâwkte hi chu Filipin ram lam mî, Korea rama rawn inhlâwh a, in lama an chhûngte châwmtu an ni ber.

Vladimir

Vladimir-a [VLAH-dee-mihr] pawh Korea ramah kum ngâ emaw lai hnâ a thawk vê tawh a. A nû leh pâte châwm nân leh a nakín hún atân tiin a inhlawh a ni ber. A naupan lai ațanga Kristian biak ina inkhâwm thîn rêng a ni a, mahse a nùn chhûng rilah chuan khawpkham taka inhriatna, nùnhlîmawm tak chu a nei ngai chuâng lo. Chû tak chu eng thil nge hriatna pawh a nei chuâng lo.

Vladimir-a sawidân chuan, “Kristian biak in hrang hrang leh tempul hrang hrangte pawh ka tlawh vê nual tawh a, chûng pâwl hrang hrangte chuan thútak eng emaw inzirtîr hi chu an nei vê thêuh hlawm chuan ka hria a, mahse ka beisei tak chu ka la tawng sî lo a ni,” a ti a ni. Vladimir-a chuan tûte emaw hnênah hian, “Isua hi tunge maw ni le?” tiin a zâwt a. Bible țanchhan Kristian pâwl chi hrang hrang, rinna thû dik zîktluak lo taka zirtîr hi a hre nual tawh mai a, mahse chutiang bâk deuh beisei chu a nei sî a ni.

A mi tawh pa pakhat hian hnamtin te lâwina Adventist biak inah inkhâwm vê tûrin a sâwm a. Ani pawh chuan chû sâwmna chu lâwm takin a pawm vê nghâl mai bawk a. Chuta a sawi dân chuan, “Hê biak ina kan inkhâwm tîrh phat ațang khân Pathian kôhhran dik tak chu hmù chhuak tâin ka inhré nghâl a. Chuvang chuan an Pathian chungchâng leh an thú zirtîr chiang lehzuala hriat ka châk hlê mai a ni,” tih a ni.

“Ka inkhâwm vê tawhna zawng zawngah chuan hlimawm leh nuâm ber niin ka hria,” a ti hial a. Inkhâwmna phûrawm tak a ni, mi tîn hian hruiatu nih màwhphùrhna chanvo kan nei thei thêuh mai a, chuvâng chuan puitlinna lama țan chhò zêl pawh áwl tak a ni. Midangte hnêna Isua hmêlhriattîr dânte pawh a takin kan ti nghâl zêl a, Pathian lâwmzâwng nùnin kan nung a ni ber.”

Vladimir-a chuan a thil hriat leh zîr apiang chu Filipin ram lama an chhûngte hnênah a hrilh chhâwng vê zêl a. A nû pheî chuan a thil sawi chu a lo phûrpui hlê mai a, chumi zârah chuan Adventist-te bêihpui thlâk inkhâwmnaah telin, baptisate pawh a chang vê ta tihthe a rawn hrilh a. Ani Vladimir-a pawh chuan a nû hnênah, “Ka tum ram thleng ta ni berin ka inhria a, nuam ka ti khawp mai,” tiin a hrilh a.

Rad-a

Ani hi Seoul khawpui international studies ațanga graduate hlim hlawl a ni a. Amah tak hi chu Adventist a ni vê chiah lo nân, Adventist international biak inah hi chuan a inkhâwm vê deuh fo thîn a. “He hmun hi nuâm ka ti riau mai a! Khawvêl hmun hrang hrang ațang rawn fuânkhâwm kan ni bawk a, thiamna leh hna hrang hrang thawkte kan ni bawk a. Khawi ram ațanga lo kal nge kan nih leh, eng hnathawk nge kan nih pawh a pawimawh ber lo. Pathian chibaibûkho hi nuam kan ti vê hrim hrim a ni!” tiin a sawi.

Hê international congregation an tih mai hi biak in satliah dang anga, inkhâwm a, inkhâwm bâna mahni in lama hâwn leh diâl ang mai a ni lo. Rad-a sawidân takin, “Chhûngkua kan ni ber

zâwk a, chhôngkuaa khawsak ho kan thlahlel ang mai hi a ni. Thlarau lam thil tân te, inkhawm hlimna hún atân te chhôngkua ang mai hian kan hmang ho thîn a. A châng leh picnic kan nei a, a châng leh basketball kan khêl tlâng bawk a. Bible zîrhonate pawh kan nei tho bawk. Thlarau lam chhôngkhat kan ni ber mai,” tih a ni.

Hársátna Awm Tâ

Mahse vânduai thlâk kan ti dâwn nge ni, international congregation-ah chuan harsatna a awm ta tlat mai a. “Kan inkhâwmnaah hian seat 80 emaw chauh a awm a, kan tâwt thei ta lútùk hi a hrehawm lek lek ta zâwk a ni. Thùtna han dàh bèlhna tûr hmún pawh a awm tawh sî lo va, kal tlâi lam deuhte pheh chu inkhâwm chhông zawng an dìn a ngai thîn a ni!”

Kòhhran hian pâwnlam rawngbâwlina hi a bei ngàwrh khawp mai a, anmahni zawm a, an zînga tel vê duh tharte tân pawh hmún an siamsak zêl a ngai bawk a. “Tûnah hian building fund chu kan nei tawh a, keimahni puala biak in sak pawh kan ruâhmàn tawh bawk,” tiin member pakhat chuan a sawi a.

“Chû hmún chu Pathian biak inkhâwmna biak n chauh a ni lovang a, hnathawka rawn awm tharte tâna chênna tûr leh Korea ram fanga lo zinte tâna riahna tûrte pawh a ni nghâl bawk dâwn a ni. Hê hmún hi, Seoul khawpui vêng danga pâwnlam rawngbâwlina hlawhtling takin a ràh chhuah a ni bawk. Khawsakna hmún râlmuang leh hlimawm taka an lo chên chhông hian mi tam tak chuan Krista hmêlhriat tharna an nei thîn a, kohhran pawh an rawn bêl deuh ngê ngê bawk. Seoul khawpuiah hian ram dang mî, lehkhazir leh hnathawk a awm mi maktaduaih kha chuang zet an awm a ni.

Rad-a sawi dânin, “Hê inkhâwmna hi ka ngainâ a, mîte an lo dawngsawng thâin, an inhawng riau thîn a. College-a ka zîrpui dangte pawh chutiang thil chu rawn tawng vê tûra sâwm zêl ka duh a ni. Mahse tûn anga hall zîm têa kan inkhâwm chhông hi chuan, thùtna kan indâih dâwn lòh avângin hrehawm an tí ang tih ka hlâu. Mi tam tak hian Pathian hmangaihna thû hriat hlân an nghâkhlel a. Chuvang chuan remchânna hi kan ùm zêl chu a ngai sî a ni!” tiin a sawi.

Inkhâwmna hmún chu tâwtin, dùthussâm chiah chu ni rih lo mah se, tûnah mai chuan heta inkhâwm thînte tân hmun dang a awm rih chuâng sî lo va. “He laia inkhâwm thîn rêng kan ni bawk a, hetiang Pathian biak hona kan neihna aţang hian kan kârah daidanna bang chi a lo chim zêl a, hlím takin kan inpâwlho thei a ni. Chutih rualin, midang tam zâwkin min rawn zawm vê zêl theih nân, hmun hmâ mi dawng hnem thei zâwk tûr chu kan mamawh hlê mai. Chutiang a nih chuan mi thahnem takin min rawn bêlhchhâhin, Chhandamtu mak tak chu hlím takin chibai kan bûk tlâng thei dâwn a ni!”

Tûn kuartar Special Project Fund thenkhat hi hmangin, helai inkhâwmna hmún hi tihlen a ni dâwn a, chutiang a nih húnah chuan Seoul khawpuia ram dang mî maktaduaih khat chuangte tân hian zâu zâwkin rawng kan bawlsak thei dâwn a ni.

Bengvârna Thû

- Korea khawpui Seoul-ah hian ram dang mi maktaduaih khat chuang hnathawk leh lehkhazir lai an awm.
- Seoul khawpui lûn leh laili taka multicultural kòhhran hian ram dang mî leh hê rama mîte tân pawha rawngbâwl sakna neih hi a thupui ber a. Mahse ram kalsana hê khuua lo awmte tân hê kòhhran hian tisa leh thlarau lam thil atân boruak hlimawm tak a siamsak a, hê hmún an chhuahsan a, mahni ram lama an hâwn leh húnah pawh an thutak hriat chu an pu dàrh zêl dâwn a ni.
- Tûn kuartar Special Project Fund hian hê hmúna tlâkchamna nasa tak chu a phùhrûksak dâwn a ni.

CHAWLHNI 12-NA **March 24, 2012**

ZALÊNNA KAWNG ZAWHIN

Korea

Ana

ĐAWR kawngkâa dâr thìnruk rì réng réng chu hriain, Ana-i chuan a'n melh a, dâwr te tak têa Chinese nu pakhat lo lût chu a hmû a. Chû nû chuan Ana-i chu a nùih vâv a, dâwr a én kual thuâk thuâk pah chuan a títî zui bawrh bawrh a. Thíl eng emaw takte an sawi chuan pulis hnênah an report ang tih hlâu vin, thíl sawiah an fimkhúr hlê thîn a ni.

North Korea

Ana-i leh a chhûngte hi North Korea ram, China nêna inrîna kianga chêng an ni a. Mahnî bâka rín tûr chuang an awm lo tih hre chiang tak a ni. Hê nû hi sorkar tâna enthlatû pawh a ni maithei a. Ana-i hian tûte emaw chu inbekbawra an phùn ser ser avanga tûten emaw sorkar sawisêla puha man an nih tâk thûte a lo hre tawh thîn a. Kùm upa leh thenawm khawvêng pawh engmah indimdâwihna a awm lo. Chuvang chuan tû emaw rín ngáwt hi a hím lo hlê a ni.

Pi Lee-i Thilpêk

Chû dâwta lo lût nû chuan China ram ațanga lo kal, Pi Lee-i a nih thû a sawi a. Hlim takin a títî zui zêl a, thíl eng eng emaw a lei hnû chuan Ana-i chu a hâwnsan leh ta a ni.

Pi Lee-i chuan chu dâwrah chuan thíl leiin a lo kal fô thîn a. Nui var var chung hian hlím takin thû a sawi siâm siâm bawk a. Ni khat chu, chutianga a thíl lei man pe tûra a lo kal tùm chuan Ana-i hmâah chuan bag te tak tê hi a dàh a. Nui var var chungin chû bag lam chu mèlhin a bù nghát nghát a. Ana-i'n bag chhûng a'n bìh chuan, North Korea rama an hmùh phâk ngai lòh, hmai hnâwih chi hrang hrang a hmû ta a. Pi Lee-i chu a'n melh a, a hmêlah chuan zàw hna a awm tih a lang reng mai. *Hêng thilthlâwnpêkte hi kan dawng ngam dâwn em ni? Kan tân thangte hi a lo ni reng mai ang á? a ti rilrû a.*

Pi Lee-i chuan nui sen sen chungin bag chu Ana-i lamah a hnâwl hnai leh sauh a, tichuan dâwr chu a chhuahsan ta a ni.

Ṭawngṭaina Chu

Pi Lee-i chuan dâwr a lo kal châng hian Pathian lam thíl chu a sawi lang leh zauh thîn a. Ana-i hi chuan Pathian lam thíl engmah hriat a nei vê lo. Pi Lee-i chuan 'Lalpâ Ṭawngṭaina' ziahna lehkha phêk hi Ana-i hnênah chuan a pè zâuh a, "I chhûngte pawh zirtîr vê ang che," tiin a'n chàh zúi sâp a.

Chu mi ni tlâiah chuan Ana-i chuan lehkha chu a nû a hmùhtîr a, anî chuan ngaihlú takin a lo chhiar a. Pi Lee-i'n a pêk lehkhâa chuâng ang chuan Ana-i nû chu tihtak zetin a ṭawngṭai thîn a, amâ dîlnate pawh a chham tel tho bawk a. Chû chu, "Ka fapa hi rawn hruai hâw ang che," tih a ni. Ana-i nùtâpa hi North Korea sipaiah a ṭang a, kùm riat zét chu inah a lo hâwng ta lo a ni.

A hnû thla khat vêlah chuan Ana-i nû chuan kawngka kik a va chhâwn chuan sipai pahnih pâwna lo ding reng chu a hmû a. Eng thíl chu nge ni ta tiin a hlâuthâwng hlê a. Chutah sipai pakhat zâwk chu a fapa a ni tih a hre leh ta thúng a. A tâwpah chuan a lo hâwng vê ta ngê ngê a ni!

Ana-i chuan Pi Lee-i'n ṭawngṭaina lehkhâ a pêk a nûin a chhiar ațanga ṭawngṭaina a neih leh, a chhâna lo thleng ta chu a hrilh a. Pi Lee-i chu a nui var vâv a, lehkha phêk dang chu Ana-i a'n râwlrûk leh zâuh a. "China rama i lo zin a nih ngai chuan min rawn biah la, min tlawh ngei ngêi dâwn nia," tiin a chàh zui a.

Tlâhchhuahna

Ana-i chuan North Korea ram hi tlâhchhuahsan a dùh a, mahse thíl hlauhawm tak a ni. Korea ram chhuahsan túmte chu man an nih réng réngin hrehawm taka tântîr emaw tihhlúm emaw an ni deuh ngêi thîn. Mahse zalên nih a châkna chu a thîlung chhûng ril takah a liân si a, a reh thei lo.

Ana-i chuan, eng emaw châng chuan ramri vênga sipai duty-te hian China ram lùh túmte lak aṭang hian thamna lâin an kaltlang tîr vê fo tihte a hria a. Ni khat chu Korea leh China ram ìnrîna hrùl lamah Ana-i chu a kal a, thìn phú dúp dúp chungin ramri vêngtu tlangvâl chu a va hnâih a.

Tlang takin, “Ramrí kân tûr hian engtín nge ka tih ang?” tiin a va zâwt vê tawp mai a.

Sipai chuan Ana-i chu a’n én vang vang a, “China ram pawisa [*yuen*] zâ min pê la, ramrí chu i kân thei mai ang,” tiin a hrilh a. Pawisâ nêna a lo kîr theih hún tûr nî leh dârte a hrilh a.

Ana-i chuan a thíl tùm chu tûmah a hrilh lo va, a nû leh pête pawh a hrilh chuâng lo. An ni ruat a lo thlen chuan, Ana-i chuan sipai duty-na hmún lam chu a pan a, sipai hnênah chuan thamna pawisa chu pêin, China ram lamah chuan a lût ta a ni. China ram chhùng thúi tak a thlen hmâ lòh chuan theih tâwpa chakin a kal ngar ngár a. Tichuan a cellphone chu phâwrhin, Pi Lee-i nambâr chu an hmêt chhuak a.

Ana-i chu a Kristian thian Pi Lee-ite hnênah chuan eng emaw chen a châm a. China ramah chuan North Korea mi lo hùm hi thíl hlauhawm tak a ni nân, Pi Lee-i chuan lo húmin, a rínna thûte chu ṭhahnemngai takin a hrilh ṭhîn a. Ana-i hian Isuâ chanchin hriat pawh a la nei ngai lo va, mahse a’n zir tâk zêlah chuan Isua chu Pathian a ni tih a ring ta a. Mimal Chhandamtua pawmin, zir zui zêl châknain a khat liam a. Mahse chulai hmuna awm zui reng chu a kal chhan a nih lòh bâkah, a hím dâwn lova, man chhuah a nih váih chuan North Koreaa hrem leh tihhlúm hial a hmachhâwn a ngai dâwn a, chuvang chuan a kal zêl a ngai rih sî a ni.

Chênna In Thar

Ana-i’n an in a chhuahsan aṭanga thlaruk vêlah chuan khâ leh chena hmêlma ram anga a lo ngâih ṭhîn, South Korea ramah a lût a. Chutah chuan Adventist mîte a va hmêlhriat a, a bêl ngâl a. Hetianga a lo zâlên tâkah hian, a nun chu a nuâm huai huai mai a, an ram lama an tih ngam ngai lòh zalên taka Pathian thûa mi kawm leh, midangte hnêna hrilh chhâwn chu a tithei dâwn ta a ni.

North Korea ramah hian Adventist Kohhran mi leh sâ engzât nge awm tû mahin an hre lo. Mahse South Korea rama Adventist-te chuan theihtâwp chhuahin an ṭawngṭaisak reng a, engtikah emaw chuan zalên taka Pathian hmangaihna thû puân theih a nih vê ngêi an beisei tlat a ni. Tûn kuartara kan Special Project Fund ṭhenkhat hmang hian, Isua la hre ngai lote hnêna rawngbâwltû tûr chher chhuah an ni dâwn tih hriain, ṭhahnemngai takin i thàwh ṭheuh ang u.

Bengvârna Thû

- Tûnhmâ chuan North Korea leh South Korea hi ram khat an ni tâng ṭhîn a, mahse kùm 50 vêl kal ta aṭang khân ṭhenin an lo awm ta a ni. Tûnah pawh hian North Korea ram chu Komiunis ruh tak an la ni zúi reng a, sakhuana lam rêng rêng sawi phal a ni lo.
- Sorkar a hlauhawm êm vângin North Korea ramah hian Adventist kan awm em, engzât chiah nge awm ang tih pawh hriat theih a ni rih lo. Chutih laiin South Korea lam mîte chuan an vei êm êm a, ramrí hàwn a nih a, Pathian hmangaihna thû puân theih a nih hlân hi nghâkhlel taka thlîrin, Pathian hnênah an dîl reng ṭhîn a ni.

CHAWLHNI 13-NA March 31, 2012 **THIRTEENTH SABBATH PRORAM**

- Welcome** : Superintendent emaw remchâng dang pawh
- Ṭanna Hla** : “Kristâ Kòhhran Tân Kan Ding,” *Adventist Hla Bu*, No. 377
- Ṭawngṭai** : [*Mi fel tak inruât lâwk ni se*]
- Thupui** : “Isuâ Hmêl Hmùhtîr Rawh”
- Thawhlawm** : [*Khawn tûr mi fel takte ruât lâwk a, khawntîr lâiin Naupang lamten tûn kuartara hlâ an zir kha pahnih/pathum saktîr tûr a ni.*]

Ṭawngṭai : [*Kan project hlawhtlinna tûr leh kan ram bawhte puâla ṭawngṭaina hlân tûrin mi fel tak ruât lâwk nise.*]

Changtute: Sawifiahtu pahnih leh, kan project sawi fiah tûrin naupang fel tak paruk bâkah, chûng mîten an târlan tûr ramte flag lo vai tûrin naupang deuh zâwk paruk ruat ni bawk se. [*Naupang an indâih lo deuh a nih chuan, sawifiahtu pahnihte pawhin naupang chanvo chu inchàn chhâwk mai theih a ni tho vang. A changtute hian an chan pual theuhte hi an vawn kher a ṭûl lo vang a, a thu awmsa zûl deuh hian mahni ṭawngkam thiam anga sawi chhuah tum mai tûr a ni. Mahni chanpual theuh ṭha taka tih thei nân lo tihchhin bawk tûr a ni*].

Sawifiahtu 1-na: Northern Asia-Pacific Division hian ram hrang hrang paruk lai a huâm a. Hêng ram hrang hranghian Pathian hnâ thàwk zo tûrin chona inang lo tak tak hmachhawn a ngai a ni.

Sawifiahtu 2-na: [*Naupang pakhatin **China** ram flag lekchhuakin, platform sîr lamah a rawn dinchhuahpui a*]. China ram hi khawvêla mihring tam berna ram niin, mihring tlùklehdingâwn 1.4 vêl lai an ni a, tûnah hian khawvêl ram dangte làkah an ramrite an hawng mêk a ni. Chutiah laiin, hê ramah hian ringtu 400,000 chuâng deuh âwrh chauh an awm a, chumi awmzia chu mi 3,400 zêlah Adventist Kristian pakhat awm ang lék kan ni. Hê ram pum puiah hian rinna meichher chu chhît-ên chhuah vek a nih theih nâna A fâte hmang tûrin Pathian hnênah i dîlpui ang u.

Sawifiahtu 1-na: [*Naupang pakhat dangin **Japan** ram flag lek chhuakin, platform sîr lamah a rawn dinchhuahpui a*] Japan hi ram hausa tak, thîl siam chhuah ngah tak mai an ni a, mahse hê rama mîte hian an tân Isua'n a thihsak an i tih rêng an hre lo. Japan rama kan kôhhran member hi 15,000 chuâng deuh âwrh chauh an ni a, chumi awmzia chu mi 8,300 zêla Adventist Kristian pakhat awm ang lék kan ni. Ringtu member-te lah chu kum upa lam niin, kùm tina baptisma chang zât pawh an tlêm thei hlê. Pathianin Japan rama rawngbâwltu ṭhalai rualte A tihchhuah theihna tûrin kan zâin i dîlpui ṭhîn ang u.

Sawifiahtu 2-na: [*Naupang pakhat dangin **Mongolia** ram flag lek chhuakin, platform sîr lamah a rawn dinchhuahpui a*] Mongolia rama Adventist member hmasa ber chuan kùm 18 emaw lek kal ta khân baptisma a chang a. Hê rama ringtu member 1,600 chuang deuh zînga a tam zâwkte hi ṭhalai duhawm tak takte an ni hlawm a, rinna thû midangte hrilh kawngah pawh an thâ a ṭhà tlâng hlê. Hê rama Adventist-te hi rinnaa dingnghet a, kohhran ban rinaawm tak an nih theih nân kan ṭawngṭainaah kan hrereng ṭhîn dâwn nia.

Sawifiahtu 1-na: [*Naupang pakhat dangin **North Korea** ram flag lek chhuakin, platform sîr lamah a rawn dinchhuahpui a*] North Korea raman hian Adventist engzât nge awm tû mahin an hre lo va, Kristian awm zât hrim hrim pawh hriat hlêih theih a ni rih lo. Mahse hê ram Komionis kawngkhâr rawn rêlhrûk sante hnên aṭanga kan hriat dânin, thîl chu a beiseiawm fû sî a ni. Pathian khawngaihna zârah North Korea ramah hian Chanchin Ṭha hrilhna kâwl a lo ên theih nân ṭhahnemngai takin i ṭawngṭai ṭhîn ang u. Tichuan Pathian hmangaihna thû hriat châka rilṭâm tuihâlte tân hmangaihna tuipui chu a luâng lût thei dâwn nia.

Sawifiahtu 2-na: [*Naupang pakhat dangin **South Korea** ram flag lek chhuakin, platform sîr lamah a rawn dinchhuahpui a*] Northern Asia-Pacific Division huam chhûngah chuan South Korea ram hi an Kristian deuh ber âwm e, a ram mihring 250 zêla pakhat chu Adventist Kristian ni zêl ang an ni. A ram mipui Kristiana siam tûra bèihpui thlâk a ni fo tawh ṭhîn nân, Adventist kôhhran nihphûng hrim hrim la manthiam lo an tam hlê tho. An rinna vânga South Korea rama tuâr mêkte tân pawh i ṭawngṭaisak ṭhîn teh ang u.

Sawifiahtu 1-na: [*Naupang pakhat dangin Taiwan ram flag lek chhuakin, platform sîr lamah a rawn dînchhuahpui a*] Taiwan ram hi China khawmualpui chhak lam tuipuia thliârkhâr lian lutuk lo a ni a. Hê rama Adventist-te hi a tlângpui thûin, tlângram lama chêng hnamte an ni ber. Taiwan rama chêng Chinese hnam zîngah chuan mi 25,000 zêla Adventist pakhat awm ang vêl chauh kan ni. Hêng rama mîte hian an tân Isua a thî a ni tih an hriat theih nân kan tawngtaipui thîn dâwn nia.

Sawifiahtu 2-na: Vawiina kan thawhlawm thawh hmang hian Northern Asia-Pacific Division chhûnga kan ûnate chu tanpuiin, an kùt kan dâwmkâwnpui dâwn a ni. Kan thawhlawmte hmang hian hêng lai bial chhûnga rawngbâwlina atâna hmanraw tângkai tak tak tûr chu siam chhuah a ni dâwn a, Isuâ hnêna hruai nân hmanraw tângkai tak a nih kan beisei.

Naupang 1-na: [*Japan ram flag kengtu naupang lo pên chhuakin, a flag chu sâng takin a lék a*] Japan ram chhim thlang lama Amami Oshima thliârkhâra Adventist-te tân Biak In i sâ ang u.

Naupang 2-na: [*Mongolia ram flag kengtu naupang lo pên chhuakin, a flag chu sâng takin a lék a*] Mongolia ram khawpui pâwn hmun remchâng lai taka Adventist thalaite inchnerna tûr (Youth Training Center) i dînpui ang u. Tichuan thalaite chu kôhhran leh khawtlâng hruaitu tling tak tak ni tûrin kan chher chhuak thei dâwn nia.

Naupang 3-na: [*Korea ram flag kengtu naupang lo pên chhuakin, a flag chu sâng takin a lék a*] Vawiina kan thawhlawm thawh thenkhat hmang hian Seoul khawpui laili takah biak in dîn niin, khawvêl hmún hrang hrang atanga hnathawk leh zirlai kal khâwmte pual deuh a ni dâwn a. Hêng mîte hian Korean tawng an thiam tha lova, English erawh chu an thiam hlawm sî a ni. Mahni hriatthiam theih tawng ngeia Pathian biak hi an dùh vê a. Biak in hi kan dînpui chuan, midangte pawh Kristâ hnêna hruai tûrin an thawk zui zêl thei dâwn a ni.

Naupang 4-na: [*Taiwan ram flag kengtu naupang lo pên chhuakin, a flag chu sâng takin a lék a*] Kum thum kal tâ khân Taiwan ramah TV-a puanchhuah theih tûr leh Internet hmanga pêk chhuah tûr recording studio dîn a ni tawh a. Vawiina kan thawhlawm hmang hian chûng chu thuam that leh tihchangtlùn bâkah, khawvêl pûma pêk chhuak tûr TV program siam nân a kal dâwn a ni.

Naupang 5-na: [*China ram flag kengtu naupang lo pên chhuakin, a flag chu sâng takin a lék a*] Vawiina kan thawhlawm hmang hian, khawvêl pum puia Chinese tawng hmangten an thlîr theih tûr, anmahni tawnga TV leh radio program buatsaih nân a kal bawh ang.

Naupang 6-na: [*North Korea ram flag kengtu naupang lo pên chhuakin, a flag chu sâng takin a lék a*] North Korea ram chhûngah hian Adventist mi engzât chiah nge awm kan hre lo. Eng emaw zât chu an awm tih kan hria a, hê rama Kristian tlêm tê awmte hi Adventist-te an ni hlawm tih a rama chêngte hnên atangin kan hria a ni. Kristian sakhua chu khâp leh, ramdang mîte sakhua anga én a nihna rama Pathian fa dùhlaite chu hùmhim leh malsâwmna vûr an nih theih nân thahnemngai takin i tawngtaipui thîn ang u.

Sawifiahtu 1-na: Hêng Northern Asia-Pacific Division huam chhûng ram hrang hrangahte hian danglamna thlentîr tûrin kan tanpui thei a ni. Kan thawhlawmte phal taka kan pêk a, Pathian hnênah kan tawngtaipui bawh chuan, hêng rama kan ringtu ûnauten midangte hnêna Pathian hmangaihna puâng tûrin chakna thàhrui a pe thei a ni. Vawiina kan thawhlawm thawh khâwm hian hêng ram leh chuta kôhhranah malsâwmna nasa tak a thlensak dâwn tih hrerengin, Northern Asia-Pacific Division chhûnga kan ringtu ûnauten chak taka Pathian hmangaihna an puân theih nân theihtâwp i chhuahpui theuh ang u.

Thawhlawm Khawn: *[Khawn laiin naupang lamten kan ram bàwhte hlâ an zìr kha pahnih/pathum saktîr tûr a ni.]*